

大宋新譯三藏聖教序

聖

太宗神功聖德文武皇帝製

大矣哉我佛之教也化導羣迷闡揚
 宗性廣博宏辯英彥莫能究其旨精
 微妙說庸愚豈可度其源義理幽玄
 真空莫測包括萬象譬喻無垠綜法
 網之紀綱演無際之正教拔四生於
 苦海譯三藏之秘言天地變化乎陰
 陽日月盈虧乎寒暑大則說諸善惡
 細則比於恒沙合識萬端弗可盡述
 若窺像法如影隨形離六情以長存
 歷千劫而可久須彌納藏於芥子如
 來坦蕩於無邊達磨西來法傳東土
 宣揚妙理順從指歸彼岸菩提愛河
 生滅用行於五濁惡趣拯溺於三業
 途中經垂世以難窮道無私而永泰
 雪山貝葉若銀臺之耀目歲月煙蘿
 起香界之自遠巍巍罕測杳杳難名
 所以道資十聖德被三賢至道起於
 乾元泉妙生乎太易摠繁形類竅鑿
 昏明絕彼是非開茲蒙昧有西域法
 師天息災等常持四忍早悟三乘翻
 貝葉之真詮續人天之聖教芳猷重

大宋神功聖德文武皇帝製

聖

太宗神功聖德文武皇帝製

啓運偶昌時潤五聲於文章暢四始
 於風律堂堂容止穆穆輝華曠劫而
 昏墊重明玄門昭顯軌範而彌光妙
 法淨界騰音利益有情俱登覺岸無
 成郭礙救諸疲羸冥昧慈悲浩汗物
 表柔伏貪恨啓滌昏愚演小乘聲聞
 合其儀論大乘正覺立其性合靈悟
 而蒙福藏教缺而重興幻化迷途火
 宅深喻雖設其教不知者多善念生
 而無量皆臻惡業興而隨緣皆墮調
 御四衆積行十方樹華雨於金輪護
 恒沙於玉闕有頂之風不可壞無際
 之水弗能漂澄寂湛然圓明清淨之
 智慧性空無染妄想解脫之因緣可
 以離煩惱於心田可以得清涼於宇
 宙朕慙非博學釋典微闕豈堪序文
 以示來者如糜瑩燭火不足比之於
 皎日將微蠱量海未能窮盡於深淵
 者哉

繼作聖教序

御製

高明肇分三辰方乃序其厚載初
 定萬彙於以登乎端清濁之體既彰

大宋神功聖德文武皇帝製

聖

太宗神功聖德文武皇帝製

善惡之源是顯然後以文物立其教
 以正典化其俗利益之功同歸於理
 於是乎像法來於西國真諦流於中
 夏洞貫千古真實之理無以窮囊若
 九圍玄妙之門英能究言乎妄想則
 五蘊皆空現乃真容則一毫圓滿廣
 大之教豈能紀述者哉伏覩
 太宗神功聖德文武皇帝法性周圓
 仁慈普布化暨弱則萬邦輻湊濟烝
 民於仁壽之鄉崇教法則四海雲從
 惠蒼生於富庶之域見尊經之浩汗
 設方便以救沉淪知法界之恢宏行
 精進而攝懈怠乃擇其遠字被彼真
 文命天竺之高僧譯貝多之佛語象
 管翻成於金字珠編復置於琅函龍
 宮之聖藻准新舊韻之苾芻仰歎由
 是三乘共貫四諦同圓盡苦空真正
 之言顯祕密精研之義讀相相乎寶
 相論空空乎盡空華嚴之理合軌轍
 金像之教同規拜朕續嗣
 丕構恭臨寶圖常翼翼而撫兆民每
 兢兢而守
 先訓以至釋典尤未精詳諒其幽深

焉能探測有譯經西域僧法賢奏章

懇切致意專勤以

先皇帝大闡真風高傳佛旨與前三

之隆典振覺路之類網欲旌天造之

功庸用廣

聖文之述作請予製序繼聖教焉自

聖考上德追號罔息政事之外何暇

經心今已禪除思臻微奧雖幼承慈

誨奈夙乏通才焉窮乎法海之津涯

莫造乎空門之闡域略敷大意以徇

輿情蹄跡不足擬浴日之波尺董豈

能量昊天之恩聊述短序以紀聖功

者焉

大乘寶要義論卷第一

聖考上德追號罔息政事之外何暇經心今已禪除思臻微奧雖幼承慈誨奈夙乏通才焉窮乎法海之津涯莫造乎空門之闡域略敷大意以徇輿情蹄跡不足擬浴日之波尺董豈能量昊天之恩聊述短序以紀聖功者焉

歸命十方無邊際 所住一切世界中

過未現在諸如來 菩薩聲聞緣覺等

智者當知人身難得於剎那間成諸

勝行亦復為難若於此中不起思惟

作利益事此生虛來云何能於如來

清淨言教發勤勇心領納聽受此有

二事謂人身難得正法難聞值佛出

世復甚為難

問此中以何而為印證值佛甚難若

無數經中皆作是說斯為定量且依

妙法蓮華經云佛言諸苾芻如來應

供正等正覺經於百千俱胝那更多

劫如是等曠遠世時或有或無如來

出世斯為甚難如優曇華時一現介

決定王經云佛言阿難諸佛出世彼

優曇華俱時而現其華如金有淨妙

光開敷異香徧由自內是華光明能

破冥暗能令念者即得清淨能息病

苦能作明照能去惡香能施妙香彼

香能息四界增損其華亦非隨轉輪

王徧處皆出唯金輪王乃可應現况

復破戒諸有情類唯佛出世是華俱

出此中云何能知彼優曇華於曠遠

時或有或無如有緣起中說無熱惱

大地北面有山名五峯而彼山上有

優曇華林若佛出世尊從兜率天宮沒

降生人間入母胎時彼優曇華而方

含葉若佛出世尊出母胎時是華增長

有開敷相若佛出世尊成阿耨多羅三

藐三菩提果時彼優曇華開敷茂盛

若佛出世尊棄捨壽命及緣行時是華

萎瘁若佛出世尊入涅槃時是華枝葉

及以華果皆悉凋落其華分量大若

車輪覺智方廣經云六名稱仙王謂

諸仙眾言諸仁者若菩薩暫時得值

如來出世說法化利是即相應華嚴

經云於俱胝劫中值佛出世聽受正

法尊重信奉此真實見甚為難得賢

劫經云此賢劫後六十五劫無佛出

世其後有劫號大名稱彼一劫中有

十千佛出現於世大名稱劫後八十

千劫無佛出世其後有劫號曰星喻

彼一劫中有八十千佛出現於世星

喻劫後經三百劫無佛出世其後有

劫名功德莊嚴彼一劫中有八萬四

千佛出現於世

此中問言云何能知人身難得答諸

契經中皆作是說如雜阿含經云佛

言諸苾芻譬如大地流水充滿有人

取木開一孔穴置於水中是木輕浮

隨風飄流東風西向西風東向南北

所吹亦復如是有一眼龜居其水內

壽命無數百歲九經百歲自水一浮

投木孔中諸苾芻於汝意云何彼一

眼龜如是壽極長遠百歲一浮可能

得值浮木孔邪諸苾芻言不也世尊

佛言諸苾芻值佛出世說法化度覺

了正道得至涅槃亦復如是斯極為

難或得人身時分具足又復為難

此中間言云何能知時分具足而難

得邪答諸契經中作如是說如增一

阿含經云佛言諸苾芻有八種難不

知時人不應修梵行何等為八若佛

出世時宜說法要化度有情使至涅

槃而一類有情在地獄中此為第一

修梵行者時分之難若佛出世時宜

說法要化度有情使至涅槃而一類

有情在畜生中此為第二修梵行者

時分之難若佛出世時宜說法要化

度有情使至涅槃而一類有情在餓

鬼中此為第三修梵行者時分之難

若佛出世時宜說法要化度有情使至

涅槃而一類有情在長壽天此為第

四修梵行者時分之難若佛出世時

宜說法要化度有情使至涅槃而一

類有情在於邊惡害之處此為第

五修梵行者時分之難若佛出世時

宜說法要化度有情使至涅槃而一

宣說法要化度有情使至涅槃而一

類有情雖生中國或聾或瘖根不完

具善說惡說不知其義此為第六修

梵行者時分之難若佛出世時宜說

法要化度有情使至涅槃而一類有

情生於中國不聾不瘖六根完具善

說惡說而悉能知然起邪見顛倒計

執謂無施無利亦無事火無善作惡

作諸業果報無此世無佗世無父無

母無世間沙門婆羅門無正趣正道

無阿羅漢智解於此世佗世以自通

力而證聖果此為第七修梵行者時

分之難或復一類有情生於中國不

聾不瘖六根完具善說惡說而悉能

知又復正見無顛倒計執謂有施有

利乃至有阿羅漢取證聖果然佛不

出世不說法要此為第八修梵行者

時分之難諸苾芻當知有一種時分

和合應修梵行謂佛出世宣說法要

初善中善後善文義深遠純一無雜

具足清白梵行之相而一類有情生

於中國不聾不瘖六根完具善說惡

說而悉能知正見具足不起顛倒計

執謂有施有利亦有事火有善作惡

作諸業果報有此世有佗世有父有

母有世間沙門婆羅門有正趣正道

有阿羅漢智解於此世佗世以自通

力而證聖果是為一種時分和合大

業經月藏品云諸仁者時分和合如

應時香樹極為難得

此中應問彼作是說得人身者云何

能得清淨平等清淨所說答有十種

功德若能圓滿彼得人身清淨平等

何等為十如超越下族經云一者若

善男子善女人內發菩提心已即生

淨信二者廣多清淨欲見聖賢三者

樂聞正法四者不生慳嫉普行大施

五者端身繫念樂涅槃道六者以無

礙心善心廣施七者信有諸業及諸

業報八者不起分別九者無求無疑

亦無染慧十者不壞善惡業果如是

十種若了知已於此命緣諸惡莫作

此中應問何名為信答信者謂順向

聖賢諸惡莫作如破漆慧經云諸善

法中信為先導是中信者何義謂信

順義此能具足如來無障礙智而能

宣說難見難知其深正法永斷愛纏
謂無眼無眼滅無耳鼻舌身意無耳
鼻舌身意滅無住非無住無意樂非
無意樂具六十種音聲文句次第語
業清淨潔白其身極淨其心現種種
色相而佛如來無所不知無所不見
無不成證無不覺了如來以清淨眼
及如來昔眼永斷過失速離貪愛破
諸癡暝過於肉眼而能觀照甚深頂
相宣說無上第一義諦一切佛法雖
復分別如是佛法而不謗緣起此名
為信信力入印法門經云佛言妙吉
祥何名信力謂於一切佛法現前印
順信解無疑亦無異求決定實信業
及業報信心無雜於空無相無願所
作諸行及一切法皆生淨信謂布施
有布施果持戒持戒果忍辱忍辱果
精進精進果禪定禪定果智慧智慧
果彼如是說是清淨相於大乘勝解
中能生淨信此說名為信力若復覺
了諸著是名信根若根若力摠說名
信又復此中何名信力信謂印順能
信佗聲云何修菩薩者信佗聲邪所

謂聞佗教示發善提心修菩薩行菩
薩依止波羅蜜多善巧方便及四攝
法一切佛法菩薩法等聲從佗聞已
極生淨信此說名為信力菩薩藏經
云佛言舍利子此修菩薩行者內發
菩提心已即生淨信廣多清淨欲見
聖賢樂聞正法決定信有諸業及業
果報斷十不善業修十善業信有沙
門婆羅門及正趣正道而復多聞所
聞相應心意和合超越疑惑不受後
有於諸佛菩薩及聲聞等真善知識
常所親近起愛重心信彼善知識所
說諸業及業果報知其器已如應為
說甚深言論謂空無相無願無行無
生無起之論無我無人無有情無壽
者之論及緣生論是諸言論聞已無
疑亦復無執隨入一切法蘊處界等
悉應無著信一切法自性皆空以佛
智推求統一不放逸何名不放逸謂
若諸根起散亂時應自心調伏佗心
隨護月光菩薩經云若諸有情於三
寶中起淨信心而實難得譬彼如意
珠寶求得亦難入如來功德智不思

議境界經云聖除蓋障菩薩白妙吉
祥菩薩言有五種法諸菩薩摩訶薩
當生勝解若此若彼阿僧祇最勝功
德而悉獲得何等為五一者一切法
空二者一切法無對治三者一切法
無生四者一切法無滅五者一切法
不可記說如是五種當生勝解如問
淨提地過微塵等數諸威儀道及作
用處如來悉無發悟亦無分別然隨
眾坐心意若時非時一切常轉諸菩
薩摩訶薩於此當生勝解星賀騷那
你緣起經云世尊釋迦牟尼如來為
化度有情作利益故於苑伽沙數劫
中歷修諸行現成正覺諸菩薩摩訶
薩於此應生信解又世尊釋迦牟尼
如來於燃燈佛所得授記別於其中
簡歷修勝行徧入諸佛境界經無邊
際劫乃至於今現成正覺於此應生
信解又世尊釋迦牟尼如來見殺釋
種因緣為化度有情作利益故經無
邊際劫歷修勝行現成正覺於此應
生信解是故當知一切有情若發善
提心此為難得

問發菩提心實為難得此復云何得大集寶藏經卷第五 第七次
 發起邪答多有經說且依華嚴經云
 世間有情若發阿耨多羅三藐三菩
 提心實為難得當知菩提心如世間
 種子以世間一切善法悉種植故如
 一切佛法境界一切惡作能盡燒故
 猶如劫火一切不善法能銷壞故猶
 如大地一切義能成就故如摩尼寶
 王一切意樂悉圓滿故猶如賢瓶拔
 出生死流故如勝鉤餌一切世間天
 人阿修羅乃至一切佛法一切佛功
 德皆悉稱讚彼菩提心功德故如佛
 塔廟何以故此中具有諸菩薩行勝
 境界故又復此菩提心出生過去未
 來現在一切諸佛善男子譬如藥
 名鐵金光是藥一兩能化鐵千兩悉
 使成金非彼千兩鐵而能壞此一兩
 聖藥發菩提心者亦復如是若能一
 發一切智心微妙聖藥善根迴向智
 所攝受能令一切業煩惱障悉成一
 切法一切智金非彼一切業煩惱障
 而能染污一切智心善男子又如乘
 一燈炬入於暗室隨入室中彼百千

年積集暗障皆悉破滅洞然明照發
 菩提心亦復如是乘一切智心大光
 明炬入於有情心意暗室隨入其中
 彼不可說百千劫已來積集一切業
 煩惱障無明黑暗皆悉銷除以大智
 光出生明照善男子又如大龍王頂
 大如意妙寶王冠不為佗怨敢來侵
 怖諸菩薩摩訶薩亦復如是頂菩提
 心及大悲心妙寶王冠不為一切惡
 趣諸惡敢來侵怖又如日月淨圓光
 中極所照耀是中應現所有一切金
 銀珍寶華鬘衣服勝妙樂具摠集彼
 等一切所有皆不能與如意寶王等
 其價直發菩提心亦復如是極盡三
 世一切智智法界道場隨所照耀是
 中應現一切有情一切天人及彼一
 切聲聞緣覺若有漏若無漏一切善
 根皆不能與發菩提心自在寶王等
 其價直又如牛羊之乳滿大海中若
 師子乳足跡之滴墮海中時牛羊諸
 乳不能凝結亦不和合菩提心亦復
 如是不可說百千劫積集諸業煩惱
 其猶大海如來大丈夫師子發一切

智心一滴之乳墮海中時諸業煩惱
 永盡無餘所有一切聲聞緣覺解脫
 亦不和合又如親近勇猛之人一切
 怨惡不能侵害發菩提心者亦復如
 是若親近勇猛菩薩一切惡作之怨
 不能侵害又如殘缺金剛之寶雖有
 所損於眾寶中亦復最勝而能出過
 諸莊嚴具彼金剛寶名亦不殞滅普
 能拯濟諸有貧乏少分菩提心亦復
 如是其猶殘缺金剛之寶雖未圓具
 而亦出過一切聲聞緣覺功德莊嚴
 彼菩薩名亦不殞滅能濟貧乏無聖
 財者勝軍王問經云佛言大王善哉
 善哉汝能於佛法中愛樂希求如汝
 大王現今治化憍薩羅國利益安樂
 一切人民救拔濟度安慰接引使歸
 正道而汝若能廣利一切有情令發
 一切智心圓滿一切佛法趣證阿耨
 多羅三藐三菩提道斯復大利又復
 大王彼祇陀林常有無數百千聖賢
 隱居其中生尊重想大王彼諸聖賢
 於正等覺有所樂欲有信有求有願
 有稱讚生隨喜心是諸聖賢若身語

意極生信重何以故大王而彼地方
有無數百佛出現無數百轉法輪無
數百聖眾相續得度如是乃至無數
百千俱胝那庾多疏伽沙數諸佛出
現轉正法輪化度聖眾如是彼諸聖
賢皆悉發生菩提樂欲信求願等

大乘寶要義論卷第一

甲辰歲高麗國大藏都監奉
勅彫造

大乘寶要義論卷第一

校勘記

- 一 底本，麗藏本。
- 一 二三四頁上一行至次頁上一三行兩篇序文，**南**、**徑**、**清**無。
- 一 二三五頁上一五行譯者，**徑**、**清**作「宋西天三藏朝散大夫試鴻臚少卿傳梵大師法護等奉詔譯」。下至卷第六同。
- 一 二三六頁上一八行首字「若」，**磧**、**南**、**徑**、**清**無。
- 一 二三七頁上一二〇行第一三字「復」，**徑**、**清**作「後」。
- 一 二三七頁下一六行第九字「授」，**磧**、**南**、**徑**、**清**作「受」。
- 一 二三八頁上一二二行末字「乘」，**磧**、**南**、**清**作「乘」。
- 一 二三八頁上末行第一〇字「室」，**徑**、**清**作「空」。

大乘寶要義論卷第二

釋迦牟尼佛說摩訶般若波羅蜜經卷第二

阿闍世王經云尊者大迦葉白妙吉祥菩薩言譬如初生師子隨生即有力勢凡所向詣或有羣鹿繞聞師子之香皆悉奔竄設使大力龍象若聞師子香時遍惱驚怖掣拽鎖縛鎖縛斷已奔馳四向山巖地穴徧求隱匿水族飛禽聞師子香亦悉驚怖妙吉祥若諸菩薩具慧力者亦復如是彼初發心菩薩纔發大喜提心即能勝過一切聲聞緣覺魔宮震動一切天魔咸生恐懼以恐懼故而悉不能安止其宮寶積經云佛言阿難於汝意云何譬若有人雙斷手足能活命不阿難荅言手足雖斷其命尚活佛言阿難若或有人剖裂其心是人能活命不阿難荅言不也世尊佛言阿難汝應當知我之弟子大目乾連及舍利子猶如手足而諸菩薩其猶我心阿難若有菩薩御大寶車以五欲功德作神通遊戲而無有人為其駕御如來亦時為彼菩薩力御其車以進

前道若舍利子及目乾連修三解脱

門若經一劫若過一劫如來不復與其勤力而為策進父子合集經云諸苾芻所有苑伽沙數等諸如來於苑伽沙數等劫中稱讚彼發一切智相應心者諸功德藏說不能盡何以故如來往昔修菩薩行曾無暫時不發是心一切有情悉皆攝受隨攝受已於諸有情亦復不起所化度想所有無量諸有情界如來徧是有情界中歷修菩薩廣大勝行一一發心集諸福蘊所以者何諸苾芻有情界無盡以有情界無盡故如來廣修菩薩勝行一一發心集諸福蘊亦復無盡如來秘密經云若諸菩薩發菩提心修勝行者令三寶種不斷不絕又云菩薩喜提心所生福蘊悉用迴向一切有情如是迴向功德滿虛空界而復過上彼一切有情福蘊所攝悉由菩薩喜提心轉法集經云菩薩發菩提心覺悟一切法知一切法與法界等而一切法無所從來及無所止亦不可知然以如量智知法性空令一切

有情亦如是覺了菩薩若如是發心

此說是為菩薩喜提心利樂一切有情心無上心大慈柔軟心大悲無倦心大喜不還心大捨無垢心空無異作心無相寂靜心無願無住心此中應問云何以少善根迴向一切智乃至坐菩提場於其中間而不盡邪荅如無盡意經云佛告尊者舍利子言譬如一滴水入大海中乃至窮劫於其中間而不能盡菩薩以少善根迴向一切智亦復如是乃至坐菩提場於其中間亦不能盡善巧方便經云或有菩薩見貧窮者起悲愍心施以少飯如佛所說此心廣大最上施何況諸所施法其施雖少而一切智功德無量賢劫經云星王如來於聲授如來所初發菩提心彼星王如來昔為牧牛人以末俱羅華供施因緣從是發心名稱如來於電光如來所初發菩提心彼名稱如來昔為織師以妙氈邊縷供施因緣從是發心明瞭如來於無邊光如來所初發菩提心彼明瞭如來昔為守城人

以一草燈供施因緣從是發心難勝如來於堅固步如來所初發菩提心彼難勝如來昔為樵人以齒木供施因緣從是發心功德幢如來於妙稱如來所初發菩提心彼功德幢如來昔為汲水人以盛水器供施因緣從是發心力軍如來於大臂如來所初發菩提心彼力軍如來昔為盤王以一菴摩勒果供施因緣從是發心寶積經云若或有人為求阿羅漢果故以摩尼寶充滿無邊世界而行布施有菩薩乘人見已發一切智相應隨喜心而此相應隨喜所有福蘊比前布施福蘊百分不及一乃至為波尼殺曇分亦不及一

大悲為先導此何能知邪如菩薩藏經云若諸菩薩欲求菩提應以大悲而為先導譬如士夫所有命根以出入息而為先導諸菩薩摩訶薩亦復如是於所集大乘法中以大悲心而為先導又如轉輪聖王於諸寶中以其輪寶而為先導菩薩摩訶薩亦復如是於一切佛法中以大悲心而為先導又云諸菩薩於已過失常行伺察於他過失悲心護念無畏投所問大乘經云佛言長者若諸菩薩為欲成就大菩提者當於一切有情起大悲心於自身命不生愛著乃至一切財穀舍宅妻子飲食衣服乘輿牀座香華塗香等一切樂具悉不應著何以故長者多諸有情於身命等皆生愛著以愛著故廣造罪業墮惡趣中若復有情起大悲已於身命等不生愛著以不著故生於善趣復能於彼一切有情運心廣行布施等行一切善法相應而作修菩薩者以大悲心而成其身此云何知如寶雲經云佛言善男子若諸菩薩具十法者是為

大悲所成其身何等為十一者見一切有情為苦逼迫無救無依無歸趣者見已應發大菩提心為作依怙二者發菩提心已令彼有情得法成就三者隨所得法為諸有情作大利益四者慳吝有情令住布施五者若毀禁戒令修淨戒六者若多忿恚令住忍辱七者若多懈怠令發精進八者若多散亂令修靜慮九者諸無智慧令得勝慧十者一切有情極苦所逼菩薩普為息除令於菩提不為障難如是名為十法摠持自在王問經云菩薩或見一類有情貪愛所纏於自妻子眷屬而生耽染以愛纏故不得自在菩薩如應為說法要令解愛纏使得自在菩薩為諸有情起大悲心故或見一類有情起忿恚心互相違損生多過失菩薩如應為說法要令斷除忿恚過失菩薩為諸有情起大悲心故或見一類有情為惡友攝故遠離善友常造罪業菩薩如應為說法要令常得親近善友遠離惡友菩薩為諸有情起大悲心故或見

大非論卷第二 第七法 譽

一類有情最極貪愛不知厭足遠離勝慧菩薩如應為說法要令斷貪愛發生勝慧菩薩為諸有情起大悲心故或見一類有情謂無業報執斷執常菩薩如應為說法要令入甚深緣起知諸業行菩薩為諸有情起大悲心故或見一類有情以其無明癡暗所覆取著我人有情壽者菩薩如應為說法要令慧眼清淨斷諸見執菩薩為諸有情起大悲心故或見一類有情耽味生死執著五蘊如殺害者菩薩如應為說法要令出離一切三界菩薩為諸有情起大悲心故或見一類有情為彼魔索之所纏縛若愛若惡皆生住著菩薩如應為說法要令解脫魔索纏縛斷除愛惡所住著心菩薩為諸有情起大悲心故或見一類有情高涅槃門關惡趣戶菩薩如應為說法要令彼等闕涅槃門高惡趣戶菩薩為諸有情起大悲心故發菩提心若於菩薩忍法有毀謗者彼生欺慢心於法障難欲令菩薩遠離忍法菩薩當知是魔事

大非論卷第二 第八法 譽

起信力入印法門經云佛言妙吉祥假使有人於一切世界極微塵等一切有情所有善根悉為障難若復於一優婆塞無異師尊具修十善業者彼少善根而為障難如是之罪倍勝於前阿僧祇數假使有人於極微塵等一切世界諸優婆塞所有善根悉為障難若復有人於一苾芻所彼少善根而為障難如是之罪倍勝於前阿僧祇數如是次第若於隨信行人羅漢八人地及緣覺人羊車行菩薩人象車行菩薩人日月神通行菩薩人聲聞神通行菩薩人等若或有人於是極微塵等一切世界諸聲聞神通行菩薩人所諸有善根悉為障難若復有人於一如來神通行菩薩所彼一善根而為障難起欺慢心生念恚者如是之罪倍勝於前阿僧祇數假使有人於十方一切世界極微塵等一切有情挑取其眼而復劫奪一切所有資生財物若復有人於一菩薩所起欺慢心而生念恚罵辱毀訾

大非論卷第二 第九法 譽

加復觸燒如是之罪倍勝於前阿僧祇數若或有人於菩薩所隨以何緣起欺慢心生念恚者由是罪業墮大號叫地獄身量五百由旬有五百頭其一頭有五百舌而一一舌有五百犁以耕其舌有大熾燄假使有人於三千大千世界一切有情所皆以刀杖而打斫之加復侵奪所有一切資生財物若復有人於菩薩所起欺慢心而生念恚及懷損惱如是之罪倍勝於前阿僧祇數假使有人發極惡心一切有情不利益心於死伽沙數等世界一一世界中有死伽沙數諸阿羅漢而悉殺害復以死伽沙數等諸佛塔廟諸寶所成及寶欄楯豎立幢幡殊妙嚴飾皆悉破壞若復有人於信解大乘菩薩所同植大乘種子已隨以何緣起欺慢心而生念恚罵辱毀訾加復觸燒如是之罪倍勝於前阿僧祇數何以故以菩薩能生諸如來故使令佛種不斷絕故若有毀謗菩薩者是即毀謗正法若毀謗菩薩者彼無別法可攝受故唯菩薩法

而能攝受假使有人於十方一切世界諸有情所悉生念恚若復有人於菩薩所生念恚已捨而背之不樂瞻視如是之罪倍勝於前阿僧祇數假使有人於閻浮提一切有情而悉殺害加復侵奪一切所有若復有人隨於一菩薩所而生毀謗如是之罪倍勝於前阿僧祇數慈氏師子吼經云若菩薩於滿三千大千世界一切有情所悉生念恚罵辱捶打而彼菩薩亦復不為壞失損惱若此菩薩或於一菩薩所一起念恚心雖極少分而此菩薩是為陷失損惱何以故彼一菩薩經余所劫被忍辱鎧常不捨離一切智心是故此菩薩不應於彼暫生念恚妙吉祥神通遊戲經云佛言妙吉祥汝今當知諸言損害者謂百劫中積修善根別別壞失此名損害修菩薩行者應如是知若於佛世尊所作不饒益得大罪報作諸饒益者獲大福蘊

大乘寶要義論卷第二

甲辰歲高麗國大藏都監奉

勅彫造

大乘寶要義論卷第二

校勘記

- 一 底本，麗藏本。
- 一 二四一頁上七行「大臂」，**經**、**清**作「大臂」。
- 一 二四一頁下六行「慳悋」，**磧**、**普**、**南**、**徑**、**清**作「慳悋」。
- 一 二四二頁下八行第八字「復」，**磧**、**普**作「後」。



大乘寶要義論卷第三 感

夏釋迦牟尼佛說阿含經卷第三

入定不定印經云佛言妙吉祥假使有人於十方一切世界一切有情悉挑其目至滿一劫若有善男子善女人於彼如上諸有情所起慈愍心悉使其目平復如故至滿一劫妙吉祥若復有人於信解大乘菩薩所發清淨心暫一觀視者如是福蘊倍勝於前阿僧祇數假使有人徧往十方一切有情諸牢獄中悉為解除牢獄繫縛而復令得轉輪聖王或帝釋天主上妙快樂妙吉祥若復有人於信解大乘菩薩所發清淨心瞻仰讚歎如是福蘊倍勝於前阿僧祇數信力入印法門經云佛言妙吉祥若有善男子善女人於一切世界極微塵等諸有情所日日常以天百味飲食及天妙衣於旃伽沙數等劫中普行布施若復有人於一優婆塞無異師尊具修十善業者當起是念此是學佛戒行人於一日中以一食施如是福蘊倍勝於前阿僧祇數如是次第若一

大智度論卷第三 第三感

苾芻若隨信行人若隨法行人乃至若緣覺倍倍供施若復有人但見一畫佛形像或經夾中畫如來像者如是福蘊倍勝於前阿僧祇數何況合掌尊重或以華香塗香燈明淨心供養如是福蘊倍勝於前阿僧祇數復次若有於旃伽沙數等諸佛世尊及聲聞眾日日常以天百味飲食及天妙衣於旃伽沙數等劫中布施供養若復有人於一羊車行菩薩人所隨於何佛種植善根淨心具足者攝取是人於一日中以一食施如是福蘊倍勝於前阿僧祇數若有人於一切世界極微塵等諸羊車行菩薩所日日常以天百味飲食及天妙衣於旃伽沙數等劫中布施供養若復有人於一象車行菩薩人所一日之中以一食施如是福蘊倍勝於前阿僧祇數若有人於一切世界極微塵等諸象車行菩薩人所日日常以天百味飲食及天妙衣於旃伽沙數等劫中布施供養若復有人於一日月中以一月神通行菩薩人所一日之中以一食施

如是福蘊倍勝於前阿僧祇數若有人於一切世界極微塵等諸日月神通行菩薩人所日日常以天百味飲食及天妙衣於碗伽沙數等劫中布施供養若復有人於一聲聞神通行菩薩人所一日之中以一食施如是福蘊倍勝於前阿僧祇數若有人於一切世界極微塵等諸聲聞神通行菩薩人所日日常以天百味飲食及天妙衣於碗伽沙數等劫中布施供養若復有人於一如來神通行菩薩人所一日之中以一食施如是福蘊倍勝於前阿僧祇數

此中應問何名羊車行菩薩人乃至如來神通行菩薩人邪答如入定不定印經云佛言妙吉祥菩薩有五種行所謂羊車行象車行日月神通行聲聞神通行如來神通行此中羊車行象車行二菩薩人於阿耨多羅三藐三菩提有所還轉其日月神通行聲聞神通行如來神通行三菩薩人於阿耨多羅三藐三菩提不復還轉彼羊車行菩薩人其復云何譬如有

人欲過五佛刹微塵數世界乃自思念我當乘其羊車念已即乘隨路而去時極長久歷受勤苦行百由旬忽為大風所吹墜八十由旬妙吉祥於汝意云何是人乘彼羊車若經一劫乃至不可說不可說劫能過尔所世界或一世界不妙吉祥言不也世尊若能過者無有是處佛言妙吉祥如是如是或有菩薩先發大菩提心已後於大乘法中不持不誦返於聲聞法中愛樂修習同其稱讚受持讀誦解釋其義復令他人持習解了由是緣故智慧鈍劣於無上智道有所還轉是菩薩雖先修習大菩提心慧根慧眼以其智慧成鈍劣故有所壞失此名羊車行菩薩人

何名象車行菩薩人譬如有人欲過如前佛刹微塵數世界乃自思念我當乘其八支具足妙好象車念已即乘隨路而去經于百年行二千由旬忽為大風所吹墜千由旬妙吉祥於汝意云何乃至是人能過一世界不妙吉祥言不也世尊若能過者無有

是處佛言妙吉祥如是如是或有菩薩先發大菩提心已後於大乘法中不持不誦返於聲聞法中愛樂修習乃至持讀解了此名象車行菩薩人何名日月神通行菩薩人譬如有人欲過如前佛刹微塵數世界乃至其人作聲聞神通行隨路而去妙吉祥於汝意云何是人能過尔所世界不妙吉祥白佛言世尊是人能過佛言妙吉祥如是如是或有菩薩發大菩提心已於大乘法中愛樂修習而復於他修大乘法者信解大乘法者持誦大乘者攝受大乘法者諸菩薩所信奉歸

六度寶藏卷之三 第六十三

向親近於彼希求大乘受持讀誦乃至值遇失命因緣亦不暫時捨離大乘而復於他修大乘者以香華等尊重供養於未學菩薩亦不起慢心此名聲聞神通行菩薩人

何名如來神通行菩薩人譬如有人欲過如前佛刹微塵數世界乃至其人求佛神通行隨路而去妙吉祥於沒意云何是人速能過尔所世界不妙吉祥白佛言世尊是人一刹那間發是心時即能速過尔所世界佛言妙吉祥如是如是或有菩薩發大菩提心已乃至善解大乘最上甚深廣大義理常為救度一切有情發大菩提心慈悲攝受於六波羅蜜多四攝法等發勤勇心已復令他人亦如是安住此名如來神通行菩薩人

此中應言若有毀謗正法者是即於法作其障難斯極大罪如般若波羅蜜多經云或有修菩薩乘者雖曾得見百千俱胝那更多諸佛如來於諸佛所廣行布施乃至修習智慧而起有所得心雖往諸佛會中聽受宣說

大乘寶藏卷之三 第七

般若波羅蜜多不生貪重若身若心悉不清淨起深汚慧成大罪業即於甚深般若波羅蜜多而生毀謗由謗此甚深般若波羅蜜多故是即毀謗過去未來現在諸佛世尊及佛一切智以是緣故是謂於法作大障難此業相續墮大地獄經俱胝那更多百千歲從一地獄出復入一地獄如是展轉數數成壞地獄出已復墮餓鬼及畜生趣舍利子白佛言世尊此障正法罪業相續當墮五無間地獄今可說是校量罪業為不可說邪佛言止舍利子汝不應說

復次諸修菩薩行者有種種魔事如般若波羅蜜多經云復次須菩提若有建立諸名字者菩薩當知是為魔事若有魔來誦菩薩所作如是說汝此菩薩現成正覺建立是名菩薩尔時隨起伺察若住不還轉相即彼魔異不得其便若起解心謂我得記即生慢意於餘菩薩所乃起欺慢此是惡魔巧以方便欲令菩薩遠離般若善友不攝惡友隨逐或隨聲聞地或

大乘寶藏卷之三 第八

隨緣覺地起欺慢相應心者獲罪甚重過四根本菩薩當知此為魔事妙吉祥神通游戲經云妙吉祥言天子隨有事業成此皆是魔事若有所求若有所取若有所捨皆是魔事若有所欲若有所想像若有所領納若有所計度皆是魔事又復天子若於菩提心有精進禪定智慧諸心有所取著皆是魔事又起慢心戒住分別忍生忿恚精進戲論禪定取相智慧作意此等皆是魔事若起厭捨心樂居寂靜此是魔事若於少欲知足頭陀功德起領解意此是魔事若行於空若行無相若行無願若行無戲論若行遠離於如來言教所行起我慢意有所分別皆是魔事天子乃至若有分別若無分別見聞覺知想念生時皆是魔事天子問言妙吉祥是諸魔事何因所起妙吉祥言天子諸魔事者皆從增上相應所起何以故而諸魔事於增上相應法中伺求其便若非相應勝法魔何所作天子言妙吉祥何

等是菩薩增上相應何等是不相應
妙吉祥言天子若二法相應是即增
上相應何以故以二法相應是為世
間和合依止此增上相應即是正相
應增語此正相應即是不相應增語
此不相應即是無戲論增語此無戲
論即是正相應增語若相應若不相
應是中立是故天子無眼相應無
色相應乃至無意相應無法相應此
說名為菩薩正相應

復次天子當知諸菩薩有二十種法
隨起魔事令魔勇悍何等二十一者
於修解脫事業者於怖畏生死者於
修相應勝行者方便親近承事供養
此等皆是菩薩魔事二者若但觀空
棄捨有情是菩薩魔事三者但觀無
為於有為善根而生懈倦是菩薩魔
事四者雖起定意而不修定行是菩
薩魔事五者說法者樂說聽者不起
大悲是菩薩魔事六者於有戒有德
人所求行布施於破戒人所而生毀
謗是菩薩魔事七者樂說聲聞緣覺
言論隱覆大乘言論是菩薩魔事八

者隱覆其深言論樂說種類言論是
菩薩魔事九者雖知菩薩道而不求
修波羅蜜多道是菩薩魔事十者以
稱讚增上相應語言與不相應諸有
情類而為教示是菩薩魔事十一者
雖種植善根而背菩提心是菩薩魔
事十二者雖於相應觀行相續所行
而不為諸有情如應教示是菩薩魔
事十三者雖求盡彼無餘煩惱於生
死相續煩惱厭棄是菩薩魔事十四
者雖復伺察勝慧而不取大悲所緣
之境是菩薩魔事十五者於一切善
行若不具方便是菩薩魔事十六者
雖復希求菩薩藏法而樂受持路伽
邪陀外道典籍是菩薩魔事十七者
雖復多聞於所聞法而常秘惜不令
他知是菩薩魔事十八者雖復多聞
以世間緣為他說投買取其財為無
義利是菩薩魔事十九者於住大乘
諸法師所而不親近尊重承事返於
住彼聲聞緣覺乘人非同分者同其
稱讚是菩薩魔事二十者若時菩薩
恃有財寶威德富盛若天帝釋若梵

王若護世若王及長者皆不親近尊
重承事以威德富盛故是菩薩魔事
此等是為菩薩二十種法隨起魔事
令魔勇悍海意經云若有菩薩具大
名稱富盛自在種族高勝眷屬廣多
具有福行由如是故而生懈怠不以
智求相應勝行驕倨放逸或見菩薩
出家圓滿常以智行求相應法憚勞
忍苦大風大熱悉能甘受血肉銷瘦
容貌醜惡而前菩薩如是見彼勝功
能已生欺慢意彼有善說而不聽受
而復增起驕倨癡慢此為菩薩魔力
鉤制

又云有四種法能於大乘而為障難
一者顯露已德二者隱覆他德三者
我慢熾盛四者忿恚堅固又諸菩薩
勿應以發菩提心便為喜足然當廣
修相應勝行

此中應問在家菩薩云何所行答如
勇授長者問經云佛言長者在家菩
薩雖處其家常修正士所行諸業非
正士所行而實不作依法受用不以
非法艱苦希求正命自資不以邪命

大乘寶要義論卷第三 第七 成

而活不憚他人自所得利雖常受用起無常觀廣以實法而行布施大捨無恚尊事父母於妻子奴婢及作事人乃至朋友知識常以正法而相教示又復何等是在家菩薩不正所行如出家障難經云佛告尊者大名言汝今當知諸生盲者聾者瘖者及旃陀羅不知樂者多毀謗者諂曲者不男者常為僕使者轉女人身者駝驢猪狗乃至毒蛇如是等類世世生於佛教中不生愛樂又復大名在家菩薩若有四種法者是為難事一者於先佛所曾種善根諸有情類及求出離心者樂聖道心者於彼若作障難此為在家菩薩第一難事二者貪著財寶子息眷屬不信業報若男若女若妻子等諸親眷屬於富貴中捨欲出家者若於彼等作障難者此為在家菩薩第二難事三者在家菩薩毀謗正法未聞之法雖復聽受聞已不信返生毀謗此為在家菩薩第三難事四者於具戒德沙門婆羅門所起損害心及多種過失心此為在

大乘寶要義論卷第三 第七 成

家菩薩第四難事如是四種及別別起諸障難法皆是在家菩薩乃至世世所生而為難事如有一人墮穢汚井乃謂餘人言快哉此井有清潔水餘人聞已於穢水中起清水想不以穢汚為不清淨諸染欲有情亦復如是自染欲泥而復教令他人亦染自親惡香教他亦然自墮貪瞋癡等諸險難處而復教令他人亦墮又如有人獲其怨對棄擲火坑是火猛燄高七人量無薪無煙諸染欲者亦復如是親近女人讚說欲事墮欲火坑而復教令他人亦墮使彼墮已病苦憂惱常所侵逼又如一人教令餘人登刀鋒山受其快樂而復謂言是山平坦無復熾險可登其山受於快樂世間父母愛戀子息亦復如是以愛子故於欲染事隨生取著而欲染法其實大惡猶如毒蛇是人深心於彼妻前返以美言讚說欲事彼三惡趣極大險怖亦以美言返為善說作是說者當墮地獄餓鬼畜生道中

大乘寶要義論卷第三

大乘寶要義論卷第三

校勘記

- 一 底本，金藏廣勝寺本。
- 一 二四五頁中一九行第四字「八」，
〔南、經、清〕作「七」。
- 一 二四五頁中二〇行第七字「于」，
〔磧、普、南、經、清〕作「千」。
- 一 二四六頁中末行第八字「遂」，
〔磧〕作「遂」。
- 一 二四六頁下一〇行第一三字「生」，
〔經〕作「王」。
- 一 二四六頁下一一行第五字「論」，
〔磧、普、南、經、清〕作「諸」。
- 一 二四七頁中二〇行第一一字「承」，
〔經〕作「其」。
- 一 二四七頁下八行第一三字「悍」，
〔磧、普、南、經、清〕作「捍」。

大乘寶要義論卷第四

譽

如日子王所問經云佛言大王彼漆欲

人愛著欲事樂見女人行漆欲法不
樂親近具戒沙門及婆羅門為彼有
戒德者而共嫌厭滅失所有信戒聞
捨慧等法彼穢惡門惡氣充盈不淨
流溢故起耽染不生厭棄處其穢惡
與蛆蟲等非所依著遠離慙愧天人
法滅殘毀身命智者呵厭為彼女
人之所降伏與彼女人而為僕使涎
液涕流諸不淨物取以為味於不淨
境中與彼牛羊雞猪狐及驢等同其
所行於父母沙門婆羅門所遠離孝
愛於佛法僧滅劣淨信當墮地獄餓
鬼畜生趣中於其險惡怖畏岸側登
鐵叉樹墮在等活黑繩眾合號叫大
號叫炎熱極炎熱阿鼻大地獄中皆
由與彼女人儔侶親狎愛戀喜笑嬉
戲娛樂歌舞唱妓如是等事常思念
故於出離事不起思念又復不念父
母生育極甚為難十月懷胎不淨流
溢於諸艱苦而悉甘忍及其生已轉

復增長諸苦惱事養去月存惜乳哺愛

憐洎至長立教彼閻浮提中種種事
業欲令子得安隱利樂時彼父母為
欲令子得安樂故選擇上族與娶其
妻妻至家已子生愛著迷醉耽酒纏
縛悶亂以彼愛著其妻室故不念尊
重孝養父母返於父母輕慢棄背其
後父母年邁衰朽諸根劣弱多所關
乏子設方計遣其父母令出自舍佛
言大王汝觀彼人無悲愍心生捨離
心起損害心不念父母生育極難而
彼父母常與其子作安樂事方便存
惜令得安隱彼子背恩違其父母出
自舍已乃與妻子常所歡聚飲食衣
服隨意受用由是因緣棄捨善趣行
斯非法決定當墮諸惡趣中
復次宣說一切有情共行邪行唯諸
菩薩而乃不行所謂殺生偷盜欲邪
行等如是作已決定當獲不可愛果
如月燈三昧經偈云
愚者耽著諸欲事 親近女人染穢身
還當向彼漆穢中 隨業墮在諸惡趣
佛不讚說深欲事 亦不聽近於女人

大怖畏繩所繫纏 欲女之繩極堅惡

欲火猛熾當遠離 如惡蛇毒智應知
女人無信不可憑 智於此道應覺了
當觀菩提最勝道 是即先佛所親近
觀已菩提聖道圓 獲得諸佛無上智
如正法念處經云諸地獄中所有罪
人時彼獄卒於日日中數教示云汝
等罪人自造惡業決定無失隨其所
造彼無數種不善業行亦然今受無
數種苦因相等故取果無異種子等
故受果亦然由如是故汝諸罪人于
今墮在炎熱大地獄中由自所作不
善業因昔充滿故而今所受不善業
果亦悉充滿如是經於百千歲中所
作罪業在不死地無利樂欲時彼罪
人受罪乃至地獄果滿或暫放釋即
求救護罪人造見如大黑雲冥然無
際極大勇捍復大力勢如金剛窟大
惡狗眾大惡吼聲而來圍繞罪人見
已四向奔馳即時諸狗前來搏噬罪
人恣意食嚼皮肉絲裂筋脉斷壞支
體骨節各各分離乃至一切身分皆
悉食噉無復遺餘如芥子許如是食

大乘菩薩藏經卷第四 第五張

已業力所持而復還生展轉長時又復食噉凡如是等業果報者謂由殺生取其肉食害有情故果報如是復次偷盜業果報者如彼罪人雖見作業果報真寶而為惡業幻惑所迷隨逐不了侵取他財攝為已有由斯罪故而彼獄卒執取罪人執已即持利刀割截支節斷壞斷已還合見餘罪人亦悉奔走為彼獄卒各執取已或持利劍或燒吉帝或都摩囉或復擣杵皆有熾燄斬斫打擊種種治罰此等皆是行偷盜法不善業果經于無數百千歲中在是地獄乃至偷盜業果壞散極盡邊際然後放釋復次宣說欲邪行果謂漆欲者見彼女人在灰河地獄或浮或沈叫呼怖畏而彼地獄熾燄猛惡其狀如漆時彼女人悲涕號哭呼其人言我自作業今墮於此灰河地獄極險惡處無救無依願為救護時漆欲人聞其女人號哭聲已業幻惑迷即時奔馳入彼河中是人入已流燄觸身徧體融潰無復遺餘如芥子許業力所持即

大乘菩薩藏經卷第四 第五張

復還活又復如前見彼女人在灰河中叫呼求救是人見已亦復奔前持捉女人時彼女人返捉前人即以熾燄鐵所成棒而為打擊是人為棒所擊流血徧滿全身碎壞無復遺餘如芥子許其漆欲人業力所持即時還活漆因重故又復奔前持捉女人同在灰河大地獄中經于無數百千之歲乃至漆欲業果壞散極盡邊際然後放釋又復還生如經廣說此中當知財富壽命勿生取著生取著者是為邪行如勝軍王所問經云佛言大王譬如世間若男若女夢中或見可愛園林或可愛山或見可愛人眾闌闌及睡覺已都無所有大王又如眾果樹林莖幹枝葉最初青潤漸變赤色次第合藥後乃開華華開不久即時結果果落衰殘後見凋謝如前華果都無所有今汝大王亦復如是世間王者所有快樂王富盛樂王五欲樂廣有象馬車步倉庫財穀宮闈園苑金銀珍寶目佞宰官后妃宮屬童男童

大乘菩薩藏經卷第四 第六張

女乃至一切王族親枝凡如是等皆當棄捨應求出離此等一切悉是無常是不堅牢是不究竟是變易法是不真實是不久住是動是搖剎那壞散畢竟是罪是盡是滅極其邊際為滅失法為怖為惱多起憂苦是損是墮是斷是破是離散法大王如是應知又如有四大山從四方來其山堅實不破不缺妙峯圓滿從虛空中一時墮地今時大地諸有情類乃至一切樹林草木而悉摧毀是諸有情及草木等皆不能避設有有力勢不能奔走復無方術及諸作用而為制止大王四種大怖彼彼若來亦復如是一切有情皆不能避設有有力勢不能奔走復無方術及諸作用而為制止何等為四大王老怖若來壞少年相病怖若來壞安樂法死怖若來壞滅壽命邪行若生壞失正行大王又如師子為獸中王若入獸群取一獸食隨其所欲不以為難然彼師子雖有大力若入咩擊大惡飛鳥口中極不自在盡食無餘大王死箭射人亦復如是

中是箭者極甚迷亂無救無歸支節
將斷血肉乾枯渴惱所逼面相忍畏
手足戰掉無力無能涎液涕流大小
便利穢汚染身眼耳鼻舌身意諸識
不行喉頭闌咽欲語不能醫師棄捨
無以為療眾味飲食其何能進是人
命時隨自業力欲奔他趣無姑時來
生老病死輪迴流轉循環不止此識
若捨他識還依此命餘業復取有身
閻魔獄卒甚可怖畏黑暗長夜常履
其中將捨識時彼出入息漸漸微細
單已無侶無所堪任此界既謝他界
即行長廣路中孤然遊履大恐怖處
而生極怖深隱道途隱覆而行入大
黑暗處大艱險沒溺生死長流大海
業風所吹飄颺無定不辯方隅莫知
所詣命時無救亦無歸趣佛言大王
唯除善法當於命時是所依歸是為
救護大王世間富樂等法都無所得
勿生耽著諸有所作皆為邪行是故
大王應修正行

為八一者世間無子孤露之人與為
子想二者將護惡友如病人想三者
見有諸苦起救拔想四者見有諸樂
起歡喜想五者於諸冤對隨觀彼緣
離過失想六者於諸善友起隨護想
七者見諸富樂猶如藥想八者於身
作無常想
又如破惡慧經云王者若能具足四
種法者應受王之灌頂即成不退墮
法速得如來應供正等正覺愛念獲
受廣大富樂具足何等為四一者護
持如來教法令得久住二者棄捨罪
不善法三者攝取空無相無願法門
四者發起阿耨多羅三藐三菩提心
此中云何是為棄捨罪不善法如日
藏品云佛言大王未來世中諸刹帝
利婆羅門吠舍首陀於彼一類修行
正法之者以其所有舍宅田土園苑
奴婢坐卧之具病緣醫藥乃至四足
等如是一切而悉侵奪或自受用或
與他受用此等刹帝利婆羅門吠舍
首陀即於現生獲二十種不可愛法
何等二十一者賢聖捨離二者所向

方隅譏謗流布三者友愛遠離四者
夕生冤對五者財物資具而悉破壞
六者多生散亂七者身分殘缺八者不
得睡眠九者渴惱常逼十者飲中有
毒十一者朋友輕侮十二者常與他
諍十三者父母妻子奴婢眷屬教令
不行十四者自隱密法及隱密財為
他顯示十五者自隱密人及隱密事
悉為他說十六者財物銷蕩散歸五
分十七者輕重病惱而來侵逼十八
者奉醫醫藥人而悉捨離十九者血肉
乾枯受諸苦惱二十者其身流注大
小便利染汚而終大王如是二十種
不可愛法彼等現生決定速獲惡由
於彼修行正法人所侵奪彼有受用
資具或自受用或與他人由是因緣
彼命終已當墮阿鼻大地獄中盡其
一劫渴飲銅汁飢吞鐵丸身被火衣
如是種種受大惡苦盡彼劫壽從地
獄出還復生於餓鬼趣中處大曠野
極惡險難枯涸之地四方熾盛炎風
所吹其地堅利狀若刀鋒經于無數
百千歲中受彼趣苦其後暫時或彼

滅已於大海中為一肉團量百由旬大業經卷第四 第十卷 摩訶
 以其宿業因故令彼海中周百由旬
 采成炎熱銅汁如是經于多百千歲
 於大海中受地獄苦從彼滅已還來
 於此極惡險難大曠野中化成肉團
 與山相等周匝四方炎風所吹其四
 方面飛禽走獸皆來食噉過長時已
 或暫彼滅還復生於大地獄中地
 獄滅已數數受是大惡苦果其後
 成滿一劫乃得人身雖生佛國土中
 然五濁具足空無智慧眼目角昧又
 復龍毒瘧大王凡如是等皆由於彼修
 行正法人所侵奪彼有受用資具等
 如月藏品云諸仁者於我法中出家
 人所起大罪者所謂殺生偷盜欲邪
 行妄語等極不善業謂彼刹帝利
 囉惹乃至州城聚落官屬於出家人
 所苦國土州城住處寺舍多行制止
 不令居處或語調伏謂惡言呵毀或
 身調伏謂加諸杖責彼一切處如是備
 環皆不解脫於天人趣有所滅失當
 墮阿鼻大地獄中
 尔時諸天乃至羯吒布單那等隨其

所來一切大眾咸於三寶發生最上大業經卷第四 第十一卷 摩訶
 清淨之心以種種相極生尊重俱發
 是言我等從今已往誓於一切世尊
 教中而作衛護所有交芻苾芻尼
 優婆塞優婆夷下至破佛戒者下至
 於佛法中不持戒行但剝除鬚髮被
 服袈裟無所攝受者我等於彼起大
 師想皆為作護一切資具長養攝持
 若復隨諸方處或有官屬於彼剝除
 鬚髮被袈裟者以多種緣加諸杖責
 我等於彼不為作護棄捨一切彼境
 界事隨其國中若起種種誑誑不實
 闕諍殺害疾疫饑饉他兵侵擾非時
 風雨或旱或澇種子散壞有如是等
 諸燒惱事我不為彼作其止息我等
 當往別國土中有佛弟子之所當為
 作護我乃空其境界捨離而去
 如地藏經云佛言地藏過去有國名
 半左羅王名最勝軍是時彼有法應
 刑戮之人以護命故潛剃鬚髮以袈
 裟衣片纏於頭上時宰殺者執其罪
 人繫縛五處驅逐往詣屠體竭盡縛
 迦大丘曠林中棄置而還即於是夜

彼丘曠林中有羅刹女名曰惡眼與大業經卷第四 第十二卷 摩訶
 五千眷屬來入是林忽見其人五處
 繫縛剝除鬚髮被袈裟片見已即時
 右繞頂礼出林而去次有羅刹女名
 佉祇囉捺帝與千眷屬次有羅刹女
 名稱憐髮次有羅刹女名曰鋤口次
 第而來入於林中各見其人剝除鬚
 髮被袈裟片見已雖復彼彼飢急不
 敢侵食頂礼而去
 又復過去有王名最勝福彼有智臣
 以其法應刑戮之人付於醉象是人
 以赤袈裟片潛被其身時彼醉象舉
 鼻捲取罪人雙瞋盡其力勢欲擲於
 地時象乃見罪人身被赤袈裟片見
 已即時生清淨心乃以罪人徐置其
 地跪伏於前涕泣悔謝復以其鼻摩
 洗雙足佛言地藏且觀彼象雖受無
 暇傍生趣身彼時見被袈裟片者尚
 能捨離而去不造罪業況復未來世
 中有旃陀羅囉惹及其官屬沙門婆
 羅門長者等中旃陀羅人本實愚癡
 起聰明慢以諂曲言誑惑世間謂言
 我是求無上大乘之者彼等愚癡旃

陀羅人不怖不觀後世果報於我法
中出家人所若是法器若非法器以
種種緣伺求過失謂以惡言剋責楚
撻其身制止資身所有受用復於種
種俗事業中而生條制或窺其遲緩
或覘其承事求過失已而為條制如
是乃至欲害其命彼諸人等於三世
一切佛世尊所生極過失當墮阿鼻
大地獄中斷滅善根焚燒相續一切
智者常所遠離

大乘寶要義論卷第四

甲辰歲高麗國大藏部監奉

勅彫造

大乘寶要義論卷第四

校勘記

- 一 底本，麗藏本。
- 一 二四九頁下一二行首字「今」，**磧**作「合」；**徑**作「令」。
- 一 二四九頁下一五行第九字「利」，**磧**、**普**、**南**、**徑**、**清**作「別」。
- 一 二四九頁下一八行「勇捍」，**磧**、**普**、**南**、**徑**、**清**作「勇悍」。
- 一 二五一頁上一二行第一二字「謝」，**南**、**徑**、**清**作「壞」。
- 一 二五二頁中二二行「竭藍」，**普**、**徑**、**清**作「竭監」。



大乘寶要義論卷第五 感

要譯經藏觀數天試論廣佛傳覺命賜紫沙門日護等奉譯

如地藏經云復次有利帝利旃陀羅乃至長者旃陀羅人於其所為四方僧眾造立寺舍園林臺觀資畜田土給侍人等飲食衣服卧具醫藥或華果樹或漆色樹香樹蔭樹乃至種種受用之具若自侵奪若教他侵奪若自受用若令他受用於我法中出家人所或生瞋恚或復呵罵制止輕侮於正法中作其障難於說法師而興燒亂此等皆於三世一切佛世尊所生極過失乃至一切智者之所遠離復次彼中世尊作如是言諸得忍菩薩摩訶薩應受利帝利王灌頂及富樂受用我即許可金剛藏菩薩白佛言世尊利帝利王所受灌頂若非得忍菩薩彼當墮於何等惡趣佛言金剛藏若非得忍菩薩但能修集十善業道受利帝利王灌頂及富樂受用我亦許可金剛藏菩薩白佛言世尊若非得忍菩薩又不具修十善業道彼旃陀羅利帝利羅惹於此世尊其

卷第五 五

深教中而今滅失當墮阿鼻大地獄中斯等云何而得解脫佛言善男子受利帝利王灌頂者若被信力堅固鎖甲於三寶中廣生淨信又不於我三乘出離法中而生毀謗下至一四句偈亦不輕毀於持戒破戒人中悉不燒亂下至不受淨戒但剃除鬚髮被袈裟者諸苾芻眾而不燒亂若眾僧所屬若單已所屬一切受用等物悉不侵奪制正常所聽受三乘出離正法如其所聞隨力修行於彼修行三乘諸苾芻所而常親近願力堅固不起違背之心教授有情大乘之法使令趣入復令安住若有能具如是相者利帝利王應受廣大富樂受用而不退墮先佛如來皆悉許可我今亦然許可是事復次彼中作如是言若有真善利帝利王乃至真善長者若今現在或未來世乃至後五百歲法欲滅時若自若他皆作衛護於佛淨教中堅固守護又於安住聲聞乘者緣覺乘者及大乘者諸補特伽羅具修淨戒德廣大者若是法器若非

法器乃至但剝除驕慢被袈裟者悉為守護復為護持塔寺所屬之物悉不侵奪或自受用或與他受用他所侵者即為制止如是福蘊無量無數不可限極今時會中一切天主乃至畢舍左主咸作是言世尊若真善刹帝利王乃至真善長者具足如是功德者我等皆為作護令具十種增長之事何等為十一者增長壽命二者增長無難三者增長無病四者增長眷屬五者增長財物六者增長資具七者增長自在八者增長名稱九者增長善友十者增長智慧我等與自眷屬常當護彼真善刹帝利王盡其國境有十種法使令遠離而為守護何等為十一者他國兵敵二者自國兵敵三者罪業之人四者殺害之人五者非時雨六者惡風暴熱七者極惡宿曜八者饑饉九者橫病夭死十者邪見月燈三昧經云佛言若諸天龍夜叉等於我教中作護持者彼等是大施主令我法眼而得久住使三寶種不斷不絕從我口生之子從法

化生諸苾芻苾芻尼優婆塞優婆夷及餘淨信善男子善女人為勝義諦法乃至為求阿耨多羅三藐三菩提者悉為護持我今親自付囑於汝天龍夜叉等諸大施主及慈氏等賢劫之中諸菩薩摩訶薩如我教勅當為作護若欲安住修行正法者即得心善云何得心善如寶雲經云菩薩得心善是中云何名為心善謂彼若能於身心離即得心善應生如是心審諦觀察當以何法是我心之所行又復以何說名為善若行於善即喜心清淨由心喜故是即行善能生多種厭離能起多種伺察諸不善法而悉斷滅阿闍世王經云諸菩薩不應如是生心若心有所生即諸惡魔伺得其便諸佛如來亦不愛樂賢聖不生喜心自善根分而亦滅失若復生心而無所生即諸惡魔伺不得便諸佛如來亦悉愛樂賢聖心喜自善根分亦不滅失彼若如是修行即於一切處生心生心轉法輪所說之法而無雜亂如開發內心經云佛言慈氏若

諸苾芻所說雜亂雖復多聞返生驕倨迷醉忘失內心散亂而不專注彼諂曲心相續而生遠離奢摩他毗鉢舍那不為他人之所尊重天龍夜叉亦不隨順所修正行而不成就若於所行悉無所得是為正行若欲了知其正行者謂即勤行修習多聞冥坐復次彼中作如是說若有菩薩勤修勝行而為摠領造七寶妙塔徧滿三千大千世界我亦於彼而不許可若復有人聽受正法一四句偈與般若波羅蜜多相應者我即於彼尊重稱讚何以故多聞能生諸佛善提復從世間無取著生若有菩薩勤修勝行為摠領者應當為他說法講授菩薩與其教導令於繫著法中不生繫著所獲福蘊廣大無量業障銷散悉氏假使滿閻浮提勤修勝行摠領菩薩彼等若能於一勤行說法講授菩薩之所承事供養又若滿閻浮提勤修說法講授菩薩而悉於一勤行冥坐菩薩之所承事供養此如是等佛悉許可而亦隨喜何以故智慧事業於

大乘寶要義論卷第五 第六 威字

難行事業中而為最上一切三界高顯最勝復次宣說正法行者如寶積經云佛言迦葉譬如商主欲入大海求無價寶先善觀察堅固船筏乃至到寶所已還復自舍迦葉善薩摩訶薩亦復如是欲入一切智海先當觀察勤行六波羅蜜多乃至超過一切愚夫異生聲聞緣覺之地然後往佛果位阿闍世王經云佛言大王一切智心根本不斷如是根本當起精進策勤教示布施無厭足以彼迴向一切智智故持戒無厭足迴向一切有情故忍辱無厭足求佛色相故精進無厭足於諸善根勤修集故禪定無厭足所緣相應故智慧無厭足於一切處善思擇故為法利故富樂壽命於一切處皆無過失又復修正行者當為一切有情起平等心如月燈三昧經云佛言童子善薩摩訶薩當具足一法若成是功德者即得速證阿耨多羅三藐三菩提何等一法童子所謂善薩摩訶薩於一切有情起平等心利益心無障礙心無毒心是為

大乘寶要義論卷第五 第七 威

一法若欲修正法行者應當棄捨利養等事如開發內心經云應當伺察諸利養事以其所著失正念故癡若起時自利成辦故諍若起時不能隨順諸佛教勅故驕倨我慢起時一向但為險惡根本故此等壞失諸善根故智者應當伺察利養雖於現受而有所得然其後此果利都無無量禪定皆悉遠離當墮地獄餓鬼畜生趣中智者又應伺察利養猶如水行流注不斷既伺察已如是生心少欲知足如雜阿含經云譬如一類羶羊之羣於彼尼拘律陀樹周而行之中有一羶羊獨詣羣鹿巖中守鹿人所乃至於彼羣鹿之前搖動其頭跪伏而坐求彼所食及求作護如是還已餘羶羊眾悉生輕慢此有一類稱讚利養我慢羶羊亦復如是起無厭心離於眾中為所食故獨入城邑巡行乞食復求邀命得彼最上清淨飲食自分食已以所求食持還園中羶羊眾所謂羶羊言諸尊者我於今日白衣舍中受其邀命得彼最上清淨食

大乘寶要義論卷第五 第八 威

已今我有其所乞之食是長食法是已捨法汝諸尊者若欲食者應當隨意如是言已中有少年羶羊皆生輕慢智者當知若發如是羶惡言者皆為利養等事如經廣說此中云何遠離諂誑二法如無熱惱經云有二種法於一切智心而為障礙所謂一諂二諂有其二法は無障礙一正直二無諂若欲成辦諸正行者常當親近諸善知識因善知識故成諸正行何等經中而作此說如勝生勝解脫經云諸善薩摩訶薩因善知識故流出一切善薩行法善知識者有大威力而能圓成諸善薩故善知識者而能出生一切善薩諸善根故善知識者普能結集一切善薩修學所行善知識者而為根本能令一切善薩深心清淨故善知識者能為守護增長一切福蘊故善知識者之所愛樂獲得一切佛菩提故善知識者而能攝持令諸善薩不墮惡趣使令不退轉於大乘不越善薩學處出過愚夫異生之地亦不棄捨聲聞緣覺之法復

為作護善知識者能令一切失道之者還歸正道聞正法者引令解入一切佛法善知識如母能令一切悉生佛家善知識如父廣為有情資育利益故善知識如乳母善護一切令離罪業故善知識如僕使捍勞能入生死大煩惱海為拔濟故善知識如舉棹人運載有情至一切智智大寶洲故諸修正行者若欲往詣善知識所應如是作意使其身心清淨勤勇其心如地悉能荷擔諸重擔故心如僕使隨所欲教令悉為作故其心如犬常所警吠為守禦故當觀自身如病人想善知識如醫師想所教示法猶如藥想依教所行如病除想凡如是等因善知識故得深心清淨已隨諸善知識所教令法而善修行即能增長一切善根如雪山王一切藥草樹林皆悉依止依止善知識亦復如是能成一切佛法法器又如大海眾流所歸菩薩因善知識從彼出生故即得圓成一切菩薩行法及一切佛法如寶積經云佛言迦葉如人乘船入

其大海而於中流船忽破壞是中或有依一版木或餘椽木隨得所依安隱到岸迦葉菩薩乘於一切智心之船亦復如是忽於中流壞失菩薩乘法若遇善知識而為依止彼即還得一切智心乘諸波羅蜜多法運載而行到法界洲迦葉所有阿耨多羅三藐三菩提法而悉依止善知識故是故於諸善知識所供養承事而為最上若佛在世若涅槃後應當勤行斯得無量福行圓滿畢竟果報而悉成辦如華積經云若見師子游戲如來見已發清淨心而為供養又若彼佛入涅槃後取其舍利如芥子許而為供養如是所獲果報皆悉齊等是中亦無種種差別如大悲經云佛言阿難若人於我現前供養且置是事又若有人於我涅槃後收取舍利如芥子許作諸供養亦置是事又若有人於我法中造立寶塔復置是事若或有人但以一華散擲空中觀想諸佛而為供養我說是人以此善根畢竟趣證大涅槃果阿難以要言之下至

傍生趣中諸有情類若能想念諸佛我說彼等以是善根畢竟亦成大涅槃果阿難汝觀於佛世尊所何等行施而為最大何等發心是大威力阿難若有人但能一稱那謨佛陀邪此為勝義何以故謂佛世尊具大不空名稱故此不空義者所謂即是那謨佛陀邪以於諸如來所隨有何等極少善根而不壞失下至一發淨心此等一切乃至畢竟趣證涅槃阿難譬如漁師於大池中欲取其魚即以鉤餌置於水中魚即競來游泳而食是時漁師知魚所在重復牢固鈎竿輪線徐緩深鈎既得魚已置於陸地隨其所欲取以用之世間一類有情亦復如是先於佛世尊所發清淨心種植善根下至一發淨信已而彼有情後復惡作業障所覆生於難處其後還得值佛世尊以菩提智及四攝鈎線拔彼有情出生死流置涅槃岸海龍王問經云佛言龍王諸菩薩摩訶薩若能具足八法即得常不離諸佛何等為八一者教示觀佛影像二者

大乘寶要義論卷第五 第十三引 經

承事如來三者常讚如來四者造佛形像五者教示觀佛色相六者隨何佛刹聞佛名稱即於彼佛刹中發生勝願七者不生下劣之心八者起廣大心求佛之智如菩薩藏經云若能嚴淨如來塔廟者當得四種清淨最上誓願何等為四一者獲得最上色相清淨誓願二者最上諸相具足清淨誓願三者最上堅固修集清淨誓願四者最上觀見如來清淨誓願彼經復言若人於如來塔廟散華塗香作供養者是人獲得八種不壞之法何等為八一者不壞色相二者不壞富樂三者不壞眷屬四者不壞淨戒五者不壞多聞六者不壞寂定七者不壞智慧八者不壞誓願若人欲造如來形像者應隨意作或以土木鐵石或復象牙或金銀琉璃水精赤珠珊瑚馬腦及諸珂貝眾妙香等或造圖幢或於版木牆壁作諸畫像或以紙素及諸繒帛鏤剪而成或自新而作或增修故壞如來形像如是作已當來不於下族中生不於惡業族中

大乘寶要義論卷第五 第十三引 經

生不於邪見族中生所感身支當無殘缺設有具造五無間罪者於如來所能發淨信造立如來形像是人所當來地獄業報轉重令輕於三乘法或餘乘中而得出離如人不淨穢汚其身而能潔淨沐浴妙香塗飾而彼穢惡之香飄散無餘造五無間罪業者亦復如是造佛像故彼等罪業銷滅無餘又復具行十不善業者若於如來所發淨信心彼之罪業亦悉銷滅如酥投火中而悉成餽業散無餘其義如何況具足最勝菩提心者及彼出家具淨戒者

大乘寶要義論卷第五

大乘寶要義論卷第五

校勘記

- 一 底本，金藏廣勝寺本。
- 一 二五四頁下一〇行第五字「正」，
[碩、南、徑、清、麗]作「止」。
- 一 二五六頁上二〇行「一法」，[碩、南、徑、清]作「一切」。
- 一 二五六頁下二二行「不越」，[碩、南]作「不趣」；[徑、清]作「而趣」。
- 一 二五七頁下二一行「龍主」，[碩、南、徑、清]作「龍王」。
- 一 二五八頁上二一行第七字「錢」，
[徑、清]作「鏐」。
- 一 二五八頁中九行第九字「十」，[碩、南、徑、清]作「一」。



大乘寶要義論卷第六 感

西天譯經三藏聖教經卷之四十一 佛說菩薩藏經卷之四十一 菩薩藏經卷之四十一

如寶積經云假使滿三界中一切有情是諸有情各各造立如來塔廟如是色相一一高顯猶如須彌山王而諸有情經於琬伽沙數劫中各各尊重供養是塔若有不離一切智心菩薩但置一華而為供養此獲福蘊勝前福蘊其數倍多彼經又云假使三千大千世界一切有情悉住大乘而復皆成轉輪聖王設以香油如大海水積燃燈草等須彌量各各燃是廣大燈明供養如來所有塔廟若有出家菩薩取燃燈草投少分油於佛塔前燃燈供養此獲福蘊倍勝於前燈明布施百分不及一乃至烏波尼殺曇分亦不及一又若彼諸轉輪聖王各於佛及苾芻眾所普施一切受用樂具若有出家菩薩以自持鉢所乞之食先減施人然後自食此獲福蘊勝前福蘊最上廣大又若彼諸轉輪聖王積以妙衣如須彌量普施佛及諸苾芻眾若有出家菩薩但以三衣

大乘寶要義論卷第六

第二

感

或施十信心菩薩或施佛及諸苾芻眾或施如來塔廟之中此獲福蘊比前所施極為殊勝又若彼諸轉輪聖王一皆以滿閻浮提布設妙華磨為供養如來塔廟若有出家菩薩下至但取一華供養如來塔廟者此獲福蘊比前所施百分不及一乃至烏波尼殺曇分亦不及一次弟出生經云當觀菩薩有其四種賢善稱讚應於如來策勤供養何等為四一者自作最上布施供養今佗有情示如是作供養勝行二者勤誠供養諸如來已轉復堅固大菩提心三者現前瞻觀三十二種大丈夫相四者種植善根而得增勝此等四法是為最上承事供養諸佛如來海慧問經云佛言海慧有三種最上承事供養如來之法何等為三一者發生大菩提心二者攝受如來正法三者廣為有情起大悲心此等是為勝義供養之行慈氏師子吼經云無佛可想無佛可觀何況有佛可供養邪有所得者無有是處此中何等是供養佛所謂真供

大華嚴經疏卷第六

第三

疏

養者應起無想無相之心若無心心所作意無佛想無法想無衆想無補持伽羅想無自他相如是供養者是眞供養諸佛如來般若波羅蜜多經云佛言天主假使疏伽沙數世界之中積滿如來舍利置於刹幢之上若有人書寫般若波羅蜜多經俱爲獻施汝於二分之一中當取何分帝釋白佛言世尊我於此二分之一中當取般若波羅蜜多分何以故般若能生如來舍利故若有供養修習般若波羅蜜多者是即供養如來舍利佛言帝釋若諸有情信解如來如實涅槃者極爲難得此中何等是諸如來如實涅槃無數經中作如是說如來興顯經云佛言佛子若諸菩薩樂欲了知諸佛如來大涅槃者以慧觀察先當了知法自性性法自性者謂即眞如實際法界虛空界自性清淨際無相際我自性際一切法自性如如涅槃應如是了知如來如實涅槃何以故佛子諸法本來如是無生無所生若法本來如是無生無所生是故無有少

大華嚴經疏卷第六

第三

疏

法可得然佛如來有所生者但爲有情喜樂相續乃有生故如來入涅槃者亦爲有情狀倦生故而實如來本無所生亦無涅槃是諸如來常住法界佛子譬如日輪光明出現普徧照耀一切世界各於清淨水器之中見日光影亦非日輪徧一切處隨入器中乃有所現若復彼彼清淨水器或破壞時或渾濁時或減少時彼日光明而悉不見然日光影雖於器中而不顯現非日之各以彼淨器自破壞故佛子如來亦復如是法界日輪廣大光明從法界中常所出現普徧照耀隨順一切世間若諸有情清淨心相續如來即爲出現影像一切有情雖常覩見如來日輪影像亦非如來徧一切處隨爲出現若復有情如彼壞器不清淨心相續業煩惱覆故不見如來日光影像彼諸有情即起如來入涅槃想然以如來入涅槃者非如來各但爲有情相續善根有破壞故又復應以大涅槃法所可化度諸有情故是故如來現入涅槃而實如

大華嚴經疏卷第六

第五

來無來無去亦無所住佛子譬如一切世間悉作火事或復後時別異聚落國土城邑火事息滅且非普盡一切世間火事皆息佛子如來亦復如是普盡一切世界隨順施作一切佛事若餘佛刹中作佛事已現入涅槃亦非一切世界諸佛悉入涅槃如巧幻師善學幻法諸明呪力而悉洞曉於一切三千大千世界中普現其身作諸幻事一切聚落國土城邑悉徧顯示隨其幻力若住一劫若過一劫若餘聚落或城邑中作幻事已隱自身相亦非一切世間幻事皆隱佛子如來亦復如是以無量如幻之智善學方便勝慧智明示現一切法界幻事如來隨現然如來身畢竟安住法界及虛空界一切有情平等事業別別刹土隨順作已示現涅槃亦非一佛刹中入涅槃故一切法界如來悉入涅槃佛子諸有菩薩應如是知諸佛如來大涅槃故所知無量畢竟無著法界無邊亦復無中如虛空界自性廣大具如無生而亦無滅安住實

際然以方便隨時示現是故當知一切世間勿生疲厭隨先行願而自安住一切世間一切刹土成辦所有諸勝法行般若波羅密多經云大涅槃者所謂自性空妙法蓮華經云佛言迦葉若能覺了彼一切法平等之性是大涅槃彼經又云佛言善男子如來諸所作事而皆作已成佛已來極甚久遠壽命無量如來常住不入涅槃為度有情故示現涅槃何以故應以如是緣成熟有情故大悲經云佛言大梵如是此世業盡煩惱盡苦盡苦緣息滅寂然出離此說是為涅槃大梵此中無復有人了是涅槃謂業煩惱盡自性清淨出世品云諸佛方便開示無邊涅槃之法梵王問經云梵王白佛言世尊諸出家者於隨所樂一切相中若能止息此說是為涅槃佛言大梵此互為緣所成立故覺智方廣經云佛言大目乾連過去有佛名高顯彼佛刹中唯聲聞眾是時有一苾芻名等觀諸所緣住大乘行是人曾於無量俱眠那度多佛

所種植善根於阿耨多羅三藐三菩提心會無退轉安住無上大乘法中欲令嚴淨不可說不可說佛刹其佛刹中無別有情發菩提心是時彼苾芻雖廣植善根然於甚深法中生輕慢心以是緣故當生長壽天時名稱高顯如來如其所應作佛事已即時普觀一切佛刹何等刹中有情不作佛事還自觀見我刹土中有一苾芻住大乘行是菩提器然彼苾芻有障難事以生長壽天故彼之身器不能堪任令其種植善根是時人命終之後當隨阿鼻大地獄中亦復不能堪任種植善根地獄出已生於人中而復墮諸有所作舉手示物或假佗緣方曉其事是時名稱高顯如來為欲化度彼苾芻故以善方便於六十俱胝那度多生中捍勞忍苦作諸化事使令成熟佛言大目乾連汝且觀彼如來大悲心故為一有情經如是時受其勞苦乃至彼苾芻機緣成熟安住不退轉地大目乾連於汝意云何彼時名稱高顯如來者豈

異人乎即現一切義如來是彼等觀諸所緣苾芻者即無量光如來是父子合集經先行品云佛言妙吉祥彼過去世輪迴之中無量阿僧祇不思議無等比無初際時有如來名曰帝幢經于琉璃沙數等世界佛刹是諸佛刹中諸有情類皆悉得其五種樂事或有有情得其欲樂或得出離樂或得禪定樂或得三摩地樂或得阿耨多羅三藐三菩提樂而彼有情雖受諸樂然無繫著譬如飛鳥騰翔空中而得自在彼諸有情受樂亦然悉無所著妙吉祥白佛言世尊彼時帝幢如來者即我世尊釋迦牟尼佛是入楞伽經頌云
我不觀寂靜 亦不起行相
復無分別心 故我證涅槃
此中當知於一乘信解極為難得此一乘者而諸經中皆作是說妙法蓮華經云我發起一乘為有情說法所謂佛乘無二無三十方一切世界法亦如是何以故若過去世十方一切世界諸佛如來皆發起一乘為有情

本經要義論 卷六

九 功德

說法若未來世十方一切世界諸佛如來亦發起一乘為有情說法若今現在十方一切世界諸佛如來復發起一乘為有情說法所謂佛乘以是緣故十方世界尚無二乘而可建立何況有三真實品云佛言妙吉祥由昔因中一乘境界能具足故今佛剎中唯一乘法而為出離而無聲聞緣覺二乘建立何以故如來已離種種想故若有人言如來或說大乘之法或說緣覺乘或說聲聞乘者是人於如來所起不清淨心不平等心取著之心大悲經云佛言我若說有種種想者即於法中自生諂曲然我為諸有情所說諸法皆悉令於菩提樂欲得大乘法一切智攝使諸有情回到一切智智地是故無彼諸乘分位而可建立亦無諸地我所建立亦不建立補特伽羅事亦無少行及無量行之所建立復無三乘而可分別彼無分別性入法界門但為世俗諦故開示引導方便宣說勝義諦中唯一乘法而無有二般若波羅蜜多經云

大輿論法論卷第六

第十 論

佛言天主若諸天子未發阿耨多羅三藐三菩提心者我當令發阿耨多羅三藐三菩提心若復不能決定發菩提心者我亦當令隨喜發於阿耨多羅三藐三菩提心何以故彼於生死流中相續不斷故我意不欲令彼諸善根分有所隱沒當令於彼最勝法中而有所得大集會品云一乘普攝彼一切乘以其一乘攝諸乘故同歸一理普入法界無分別性摠持自在王問經云佛不說有種種之想然佛出世諸所作事悉同一味法界而無障礙容受一切有情自成正覺已復令諸有情而亦覺了然後轉妙法輪所謂不退轉輪譬如治寶之師於其寶所但取假色琉璃先以灰水磨淬令潔次用黑膩之土而復治之然其寶師曾無疲倦後以肉汁及以繪帛重復磨治又用大藥汁及細妙衣次第精治然後瑩潔去其假色同具瑠璃如來亦復如是知有情界本不清淨乃為宣說無常苦無我不淨之法令於輪迴起狀離想後以聖法調

大輿論法論卷第六

第十一

伏方便開導如來亦不暫生疲倦後為宣說空無相無願之法令其開覺如來之眼如來亦不暫生疲倦後為宣說不退轉輪及說三輪清淨引導有情令入如來境界之中平等超越種種因性咸證如來清淨法性此說是為世間究竟得無上果阿惟越致經云不退轉輪平等故諸佛說法亦平等是故如來為下劣信解諸有情類不能解了一乘法故乃出娑婆世界五濁時中以善方便為彼有情建立佛事使成佛果勝鬘師子吼經云諸佛如來方便宣說此涅槃法從三乘中出生諸乘然由一乘法取證阿耨多羅三藐三菩提入楞伽經云諸煩惱種子入三摩地三摩鉢底如實覺了住無漏界復入聲聞緣覺無漏界中出世勝行圓滿成辦得不思議法身自在如來為所化有情成諸善行故以善方便說種種乘是故諸如來於種種界中非但說三乘亦說餘乘法

大乘經要義論卷第六

大乘寶要義論卷第六

校勘記

- 一 底本，金藏廣勝寺本。
- 一 二五九頁下一〇行「如來策」，**磧**、**普**、**南**作「如策」；**徑**、**清**作「如來」。
- 一 二六〇頁上六行「刹幢」，**磧**、**普**、**南**、**徑**、**清**、**麗**作「刹幢」。
- 一 二六一頁中六行第一一字「天」，**徑**作「天」。
- 一 二六二頁上一七行第五字「力」，**磧**、**普**、**南**、**徑**、**清**、**麗**作「之」。
- 一 二六二頁中一八行「會無」，**麗**作「會無」。
- 一 二六二頁下九行「下劣」，**徑**作「不劣」。



趙城縣廣勝寺

大乘寶要義論卷第七

翻攝法華經義疏卷第七 釋尊奉詔譯

如華嚴經云大毗盧遮那解脫吉祥
 世界中普徧智欲功德幢王如來建
 立無量有情住聲聞地無量有情成
 熟緣覺菩提無量有情成熟迺疾辯
 才出生菩提無量有情成熟無垢精
 進幢出生菩提無量有情成熟法辯
 才出生菩提無量有情成熟根清淨
 辯才出生菩提無量有情成熟十力
 諸行圓滿出生菩提無量有情安住
 法城現前境界一乘出生菩提無量
 有情於一切處隨現種種神通一乘
 理法出生菩提無量有情建立諸行
 普攝無量方便出生菩提無量有情
 安住三摩地分位理法出生菩提無
 量有情安住一切所緣境界清淨道
 場理法出生菩提無量有情發菩提
 菩提心無量有情住菩薩道無量有
 情安住清淨波羅蜜多道無量有情
 住菩薩初地乃至住於菩薩十地
 此中應知菩薩常以正法攝受一切
 何等是正法攝受如信力入印法門

大乘寶要義論卷第七

二 疏

經云佛言妙吉祥正法攝受故即菩
 薩攝受菩薩攝受故即正法攝受正
 法攝受故一切有情攝受一切有情
 攝受故即佛種不斷所作成就又若
 欲令佛種不斷欲破一切有情諸業
 煩惱欲閉一切惡趣之門欲受無量
 無數轉輪聖王上妙快樂及梵王帝
 釋護世等樂欲斷一切惡魔界系
 乃至欲成阿耨多羅三藐三菩提果
 者悉當以其正法攝受此中應問初
 發心菩薩以少善根彼當云何攝受
 正法如菩薩藏經云菩薩若具四種法
 者彼即不減菩提轉生當作轉輪聖
 王如其願力即得一切善根隨轉得
 如大力堅固那羅延身彼得轉輪聖
 王已修四梵行生於梵世為梵天主
 何等為四一者菩薩若見如來塔
 廟故壞發勤勇心而為治飾乃至
 以一泥團作其供獻二者於四衢道
 或闌閭之所建立如來高顯妙塔或
 塚廟像或隨立幢相或但堅剎竿或安
 如來形像或別別安布如來諸相所謂
 轉法輪相或復喻城出家之相或菩

提樹下成正覺相或現大神通降魔軍相或示現入大涅槃相或初利天下降之相三者若見聲聞弟子眾中有離間者為作和合四者於如來教中若見正法欲滅滅時乃至一四句偈勇力護持使彼流通令不忘失又於正法或說法師皆為攝受乃至捨棄身命終不捨法寶雲經云佛言善男子菩薩若具十種法者即能攝受正法何等為十一者於後末世後五百歲正法滅時如來教中起雜亂事而諸有情多住邪道息滅智燈無正師授令時應以廣大經典具大威力攝廣大義如一切法母者尊重供養受持讀誦宣說解釋二者以其深經為他演說解釋開示使其解了三者於修正道人所發生歡喜清淨之心四者得歡喜已為彼攝受五者以無著心為他說法使其聽受六者於說法人所起師尊想七者於其正法起甘露想八者又於正法如良藥想九者不惜身命希求正法十者以所得法如說修行是為十法寂靜決定神

變經云佛言賢護菩薩若具四種法者即能攝受正法何等為四一者於自快樂而不愛著二者施於他人上妙快樂三者具大悲心四者求法無厭彼經又云過去世時無垢威光王於大高如來所千歲之中種諸善根以一切樂具供養彼佛及以四事給施八萬四千諸苾芻眾如是過千歲已彼大高如來告無垢威光王言大王如是滿足千歲於如來所行諸施法若比勤行求法菩薩一出入息中所有善根百分不及一乃至烏波尼殺曇分亦不及一何況於正法中乃至一四句偈勤行宣說解釋其義彼福邊際我不能說大王且置是事正使如是滿足千歲盡諸所有布施供養摠以為聚施一遊方苾芻如是或施諸苾芻眾若於勤行宣說講授菩薩所以樂法故於彼尊重起於淨信持以飲食生如是心我為求正法故以此飲食而為獻施以前布施之法比此善根百分不及一乃至烏波尼殺曇分亦不及一如來祕密經云所

有菩薩福蘊若比攝受正法福蘊此復倍多正使一切諸佛勤劬宣說經俱臆劫尚不能得受持正法福蘊邊際何等正法如勝鬘師子吼經云此正法者即是大乘增語何以故大乘出生聲聞緣覺之乘及世出世間一切善法故法集經云彼正法攝受者所謂於一切如來諸說甚深甚深經典宣說講授專注思惟是為正法攝受當知諸菩薩若依著有所得行雖經無量時供養諸如來於彼彼佛所然不得授記況復成菩提如梵王問經云佛言大梵我於一劫若過一劫宣說彼彼如來名字若我供養是諸如來或復於彼彼佛所未得授記何羅蜜多我於彼彼佛所未得授記何以故我於有所得行而依著故若我於時於然燈如來所纔見彼佛即得無生法忍彼佛世尊與我授記我於今時超過一切有所得行而復圓滿六波羅蜜多於甚深法中能生信解所有諸菩薩自利利他最勝諸行悉得周畢大集經月藏品云佛言月藏

彼勝義諦即能成就阿耨多羅三藐三菩提不共一切聲聞緣覺所有是故世俗諦不能成就阿耨多羅三藐三菩提最上善根及辦諸勝行月藏如人持以燭火不能枯涸甚深大海彼世俗諦亦復如是尚不能涸自煩惱海況復為他諸有情類此中何能信解甚深之法如菩薩藏經云菩薩有二種慧一者從他聲聞二者自心深固作意此中何等是從他聲聞若有菩薩雖復樂修諸相應行然於菩薩藏正法不樂聽受又不樂聞諸聖法律於定中少味而為喜足慢心熾盛故墮增上慢而彼菩薩不能解脫生老病死憂悲苦惱亦不解脫六趣輪迴又復不能解脫苦蘊以彼緣故如來說言從他聲聞而此所聞不能解脫老死等法何等是為深固作意所謂菩薩自作是學無所有法而可和合非不和合是深固行此深固行即是非行增語彼如是聲者前際若後際如實伺察從何所生復從何滅又若言說若義理若斷若證若已說

若當說彼等一切如實伺察無過法相無未來相無現在相可得即一切法自性寂滅自性寂靜自性圓滿畢竟無生無起無實應觀諸法畢竟涅槃若如是觀即無所觀亦非無觀此名正觀況復一切法如實可觀邪是即無所觀此無所觀亦即無生增語若一切法無生即不越正理若一切法平等即佛法平等如是所說是為不越正理此說名為深固作意如是乃能解入最上甚深正法父子合集經云佛告淨飯王言大王若或空劫時中或有梵天樓閣出現於前七寶所成彼堅實性若生起時從何所來如是欲界化自在天化樂天兜率天夜摩天忉利天四大王天是等諸天樓閣悉現七寶所成又鐵圍山大鐵圍山堅實一聚金剛所成是等諸山彼堅實性從何所來又須彌山你民達羅山持雙山持軸山持金剛山羯那里酷山尾那但酷山馬耳山善見山大善見山烏咎識盧山香醉山雪山及餘黑山悉現於前乃至一切

三千大千世界而悉出現且彼須彌山王去地八萬由旬其堅實性悉集現前從何所來大王若此世界成後大地火然大水漂流大風鼓擊其火巨空所有煙燼悉無所現如酥或油投火中燒亦無煙燼其水漂時無餘可得如鹽投水而悉混融亦無有餘其風鼓擊無少物可現如毗嵐風當吹鼓時何有飛鳥而可得現此三千大千世界亦復如是火然水漂風鼓之時無餘可見彼堅實性如是壞滅從何所去此說外地界內地界亦然及餘諸界若內若外亦復如是是故一切法生時無所從來滅時亦無所去彼等有生決定皆空生已亦復自性皆空阿闍世王經云今時阿闍世王於其宮中飯佛世尊及諸菩薩聲聞大眾盥手滌器已於妙吉祥菩薩之前肅恭而坐聽受正法王言菩薩願今為我解除惡作妙吉祥言大王假使疏伽沙數等諸佛世尊亦復不能為汝解除惡作阿闍世王聞是語已懽怖無救問絕躄地是時尊者大

迦葉即告王言止止大王勿生驚怖
 此妙吉祥菩薩善能為汝說自因緣
 應作是問以何緣故菩薩作如是說
 時阿闍世王從地徐起白妙吉祥菩
 薩言以何緣故菩薩作如是說妙吉
 祥言大王於汝意云何汝心有所緣
 觀佛世尊邪王言不也妙吉祥言汝
 今云何觀心生邪王言不也妙吉祥
 言觀心滅邪王言不也妙吉祥言觀
 有為法邪王言不也妙吉祥言觀佛
 世尊於有為法有表示邪王言不也
 妙吉祥言大王於汝意云何若諸法
 中無法可觀者而容有法可解除邪
 王言不也妙吉祥言大王以此緣故
 我作是說假使燒伽沙數等諸佛世
 尊亦不能為汝解除惡作復次大王
 若此空中或煙或塵欲染虛空於汝
 意云何是彼煙塵能染空不王言不
 也妙吉祥言大王又或有人作如是
 言我欲清淨虛空而彼虛空其能淨
 不王言不也妙吉祥言大王如來亦
 復如是與虛空等說一切法本來相
 續自性無染彼無有法若染若淨而

實可觀是中復何有所解除大王我
 於是義如實正觀故作是說假使燒
 伽沙數等諸佛世尊亦不能為汝解
 除惡作復次大王諸佛世尊內心非
 有所得非有所起外亦非所得非所
 起何以故一切法自性無所起若法
 自性無所起故即無處容受有所起
 性何以故一切法自性無所起故即
 無所成一切法無所成故即無所集
 一切法無集故即無出生一切法無
 出生故即法離性一切法離性故即
 無能作行一切法無能作行故即無
 有生一切法無有生故即無異熟法
 一切法無異熟故即無起作一切法
 無起作故即無所染一切法無染故
 即自性明亮一切法自性明亮故即
 法清淨一切法清淨故即虛空等一
 切法虛空等故即無對治一切法無
 對治故即離於二一切法離二故即
 離二邊一切法離二邊故即法無邊
 一切法無邊故即無涯際一切法無
 涯際故即無究竟一切法無究竟故
 即無所緣一切法無所緣故即於一

切處無顛倒住一切法於一切處無
 顛倒住故即常樂我淨悉不可得一
 切法常故即無動轉相應一切法淨
 故即自性明亮所成一切法樂故即
 無分別相應一切法我自性故即無
 我表示相應一切法無惡作故即內
 心寂止一切法無實故即勝義諦無
 所安立一切法寂靜故即徧寂相一
 切法無我故即我所相離一切法
 無味故即解脫相一切法離名故即
 名差別不可得一切法無分別故即
 種種性離一切法一味故即解脫普
 攝一切法離相故即無相際一切法
 無相故即無解了所緣清淨一切法
 空故即一切見作皆離一切法無願
 故即超越三世一切法三世斷故即
 過去未來現在皆不可得一切法涅
 槃普攝故即畢竟無生大王於汝意
 云何若法無生復無積集是中還能
 有所染不王言不也妙吉祥言又復
 有法可解除邪王言不也妙吉祥言
 大王由如是故如來知一切法與涅
 槃等乃於是中無有惡作而能解一

大乘寶要義論卷第七 第十二 感

除是故大王彼深固相應當如是行以無顛倒心應當如實作其伺察如同伺察已隨伺察時無有少法可取可捨亦無有法而可共住若一切法不共住故此說是為輕安若法輕安即法寂靜若法寂靜是即法自性若法自性即無自性一切法無自性故即無主宰大王於中應作忍法即此亦復無法可作何以故大王所作寂靜故如是了者當證涅槃此中亦復無法可作亦非無作若作若非作此說皆歸涅槃寂靜

大乘寶要義論卷第七

大乘寶要義論卷第七

校勘記

- 一 底本，金藏廣勝寺本。
- 一 二六四頁中二行譯者，徑、清作「宋三藏朝散大夫試鴻臚少卿光梵大師惟淨等奉詔譯」，下至卷第十同。
- 一 二六四頁下一〇行「以其正法」，徑作「以正正法」。
- 一 二六五頁上二行「軍相」，麗作「車相」。
- 一 二六五頁中一五行「且置」，磧作「宣置」。
- 一 二六五頁中二二行「烏波尼」，磧、南、徑、清、麗作「烏波尼」。
- 一 二六六頁中一行末字「法」，磧、南、徑、清、麗作「去」。
- 一 二六六頁中四行首字「究」，磧、南、徑、清作「竟」。又第一三字同。
- 一 二六七頁中二行末字「寤」，磧、南、徑、清、麗作「寤」。

一 二六七頁下末行末字「一」，磧、南、徑、清、麗無。



大乘寶要義論卷第八 感

譯經大師玄奘法師撰 唐高僧傳卷第八 門戶等事 詔譯

尔時阿闍世王持以價直百千上妙
氎衣獻施妙吉祥菩薩而菩薩不肯
受之其王即以此妙氎衣被妙吉祥
菩薩之身衣未著身菩薩即時隱而
不現王既不見菩薩之身但聞空中
聲曰大王汝若能見妙吉祥菩薩身
相即能見汝所有惡作若見惡作如
是即見彼一切法如見一切法亦然
可見所施氎衣若汝不能見亦然如
是見大王汝若能見有身相者如是
乃以氎衣奉施其王即時復以氎衣
各各徧施一切菩薩聲聞大眾及其
宮人婁女眷屬而悉不見彼彼身相
其王即時入定觀察都無少色為眼
所見無境相可現是中唯存自身想
轉又聞如是空中聲曰汝若能見自
身相者如是乃以氎衣奉施王即自
觀亦不見有自身之相尔時乃離一
切色想又聞空中聲曰大王汝若如
是無少色相若麤若細而可見者亦
然如是應見惡作亦然如是見一切

大乘寶要義論卷第八 第二 感

法若汝不見彼即離見彼離見中若
汝可見此即非見大王若非見若非
不見此為正見若如是見一切法者
亦即非見大王此非見者是為正見
尔時阿闍世王於一切法所對疑惑
悉得遠離從定起已重復觀彼一切
大眾亦悉不見幻士仁賢經云菩薩
有四種法思惟經義何等為四一者
緣法生起非無作因二者無法可生
亦無補特伽羅性三者若法緣生彼
生無性四者於甚深法中無差別門
亦不壞菩提菩薩十住經云佛言妙
吉祥諸菩薩有五法令得安隱能清
淨初地何等為五一者若於無所緣
解脫智中自安住已復令他人亦悉
安住無所緣解脫智中是為菩薩
得安隱法二者此無所緣解脫智即
無二無三清淨緣法無生此解脫中
自安住已復令他人亦悉安住緣法
無生解脫法中是為菩薩得安隱
法三者破緣法無生即諸緣自性無
生一切法無所有趣此解脫中自安
住已復令他人亦悉安住一切法無

大乘寶要義論卷第八 第三十 感

所有處解脫法中是為菩薩得安隱法四者彼一切法無所有處即諸分位分別悉無自性智觀如虛空此解脫中自安住已復令他人亦悉安住如虛空智解脫法中是為菩薩得安隱法五者此如虛空智即無雜亂無依止離心意識之智此解脫中自安住已復令他人亦悉安住離心意識之智解脫法中是為菩薩得安隱法當知彼中離心意識之智即是無發悟有所得智是為五法勝思惟梵天所問經云梵天問光網菩薩言一切法深固邪一切法非深固邪菩薩言如汝梵天復云何說一切法是深固非深固邪梵天言若非思惟即一切法深固若心與思惟有所和合即非深固又一切法離相此即深固若復離中有所和合此即是為差別所行若差別中有所行者即諸所作皆非深固菩薩言若爾者云何諸法而可生乎梵天言善男子若自境界離清淨實際中諸法乃生七百頌般若波羅蜜多經云佛言妙吉祥汝修般若波羅

大乘寶要義論卷第八 第三十一 感

蜜多時當何所住而修般若波羅蜜多妙吉祥白佛言世尊我修般若波羅蜜多時都無所住而修般若波羅蜜多佛言妙吉祥無住云何修般若波羅蜜多邪妙吉祥言世尊我修般若波羅蜜多時實無法可住佛言妙吉祥汝修般若波羅蜜多時有何等善根若增若減妙吉祥言世尊我於波時無少善根若增若減世尊諸修般若波羅蜜多者悉無有法若增若減妙吉祥菩薩神變品云有天子白妙吉祥菩薩言如汝所說少能有人解了其義妙吉祥言天子以我所說佛智甚深若少若多不能解了何以故佛智無著無分別不可記不可說非作用非語言道離心意識若少知若偏知非易解了天子言若佛智不能知者而諸聲聞何能解了菩薩云何住不退轉妙吉祥言天子如來以善方便假文字智隨為開覺是智無文字譬如火中求火其何所得天子如來亦復如是若最初便說廣大佛智即無有情能知佛智是故如是

大乘寶要義論卷第八 第三十二 感

宣說種類之語開示彼智是智無文字天子言妙吉祥何等是為種類之語妙吉祥言天子若說持戒及制止法或說般若波羅蜜多相應之法或說入解菩提分法此等所說是為種類之語天子若說離生離滅之法離離非離之語離染離淨之語不厭離生死之語不忻樂涅槃之語無知無斷無修無證無得亦無現前三昧可轉此等所說是為清淨真實之語不思議音聲一切法決定無所得經云佛問妙吉祥言諸如來所說不思議不思議界當云何是妙吉祥言此不思議不思議界者是諸如來說世尊界離思惟非心所行非心所量非心法揀擇世尊此心如是是即不思議界何以故無心可思惟此心離思惟故即心自性亦無所有而此無思惟心是心如實世尊此乃是為不思議界此經又云佛言妙吉祥汝勿應便被此鎧化度有情妙吉祥言世尊若知有情界不增不減是中何有有情而可化度令入涅槃世尊若彼虛空有

人能度者彼有情界亦可化度又欲以菩提心有所化度者而彼有情亦可發起為作化度世尊一切法是菩提亦非菩提染淨可得是故世尊作如是說汝勿被此鎧化度有情世尊有情非染我亦不住度有情心何以故世尊若有有情即有染淨而為表示既無有情豈有染淨可表示邪世尊若法有者從緣而生即不相違世尊緣生法中而實無染無淨可得一切法自性無實緣生性故若於緣中亦無緣義染淨可得世尊此無所有義緣生之義智者了知又復如是緣生之義智者於中悉無分別若於無分別義中即無染無淨譬如幻師或幻師弟子幻出樓閣或復舍宅具有光燄廣大熾盛或有人言我能勇力於彼樓閣光燄聚中而為止息是人乃至損壞其身徒生疲極終不能成佛言妙吉祥如是如是妙吉祥言世尊若被精進鎧化度有情亦復如是徒自疲極終無所得此經又云佛言妙吉祥汝當如實伺察為是何法

增語妙吉祥言此謂如實伺察者然如實伺察中彼無一性無種種性而可造作世尊若無種類無分別中作如實伺察即非如實伺察世尊即此非如實伺察是為增語是故若如實伺察成已是中不起我是凡夫我是聖人之見何以故諸法無所觀若法不立凡夫聖人之見即得如實伺察成就世尊若善男子善女人能如是住者即得法界相應是中無有少法若平等若差別可得若謂凡夫法差別亦無分別生若謂聖人法平等亦無分別生何以故所緣不可得故若於所緣中或平等差別有所取者此即分別是分別性都無所有若彼彼所緣中有平等差別而可取者即我法彼法乃有差別凡如是等應知決定無法可取維摩詰經云何為病本謂有攀緣即為病本若有攀緣即有其病何所攀緣謂之三界若無攀緣彼何所表若攀緣不可得即無所得云何無所得謂二見無所得何謂二見謂內見外見彼無所得此經又云

受見菩薩言色空為二色即是空非色滅空色性自空如是乃至識即是空非識滅空識性自空此等五蘊若解了者是為入不二法門般若波羅蜜多經云舍利子問尊者須菩提言若菩薩摩訶薩修行般若波羅蜜多時云何能知善巧方便須菩提言尊者舍利子若菩薩摩訶薩修行般若波羅蜜多時不行色有相乃至不行受想行識有相不行色非常非無常非苦非樂非我非無我非寂非動非空非不空非相非無相非願非無願非離非不離如是乃至不行識非常非無常乃至非離非不離五蘊如是所有界處緣生菩提分法神通波羅蜜多力無畏無礙解不共佛法等乃至非離非不離而悉不行何以故尊者舍利子色不異空空不異色色即是空空即是色乃至識不異空空不異識識即是空空即是識如是界處緣生乃至不共佛法不異空空不異不共佛法不共佛法即是空空即是不共佛法菩薩

摩訶薩若如是修行般若波羅蜜多是即能知善巧方便而彼菩薩於般若波羅蜜多亦不念我行不念我不行不念我亦行亦不行不念我非行非不行何以故無性自性即是般若波羅蜜多故此經又云佛言憍尸迦善男子善女人宜說般若波羅蜜多時或有誹謗般若波羅蜜多者何等是為誹謗般若波羅蜜多邪所謂若說色是無常是苦無我不淨如是受想行識及界處禪定無量無色定念處正勤神足根力覺道聖諦無所畏無礙解不共佛法乃至一切相智是無常是苦無我不淨若如是行是行般若波羅蜜多作此說者是為誹謗般若波羅蜜多何等是不謗般若波羅蜜多謂若說言善男子汝修般若波羅蜜多時勿觀色無常勿觀色苦無我不淨乃至一切相智亦復如是何以故色自性空故若色自性空是即般若波羅蜜多若般若波羅蜜多中無色為常可得彼色如是無所有故況復若常若無常而可得邪受想

行識乃至一切相智亦復如是作此說者是即不謗般若波羅蜜多又若說言善男子汝修般若波羅蜜多時勿謂有法而可過越勿謂有法而可安住何以故般若波羅蜜多於一切法中無所有故若法不過越無所住即一切法自性皆空若法自性空即法無性若法無性是即般若波羅蜜多此般若波羅蜜多中即無有法若出若入若生若滅如是說者是即不謗般若波羅蜜多又須菩提白佛言世尊般若波羅蜜多云何有所得云何無所得佛言須菩提若法有二即有所得若法無二即無所得須菩提言世尊云何為二佛言須菩提眼色為二意法為二乃至菩提佛法為二須菩提言世尊有所得是無所得邪無所得是無所得邪佛言須菩提非彼有所得是無所得亦非無所得是無所得須菩提若有所得若無所得而悉平等此即是為無所得復次須菩提言世尊豈不住勝義諦中證阿耨多羅三藐三菩提果邪佛言不

也須菩提言住顛倒法中邪佛言不也須菩提言若不住勝義諦中又不住顛倒法中成正覺者豈非如來不證菩提果邪佛言須菩提我證菩提果然於有為界中無為界中悉無所住又復佛言須菩提我不能以無性中無性而成正覺須菩提言世尊豈不以有性中無性能成正覺不佛言不也須菩提言若以無性中無性能成正覺不佛言不也又須菩提我於金剛般若波羅蜜多經中曾謂汝言須菩提於汝意云何如來得阿耨多羅三藐三菩提邪如來有所說法邪須菩提言如我解佛所說義無有法如來得阿耨多羅三藐三菩提亦無有法如來可說何以故若有法如來所說者彼不可取不可說非法非非法所以者何一切賢聖皆以無為法而有差別如來但為化度有情故以善方便開種種門宣說如是甚深正法

大乘寶要義論卷第八

大乘寶要義論卷第八

校勘記

一 底本，金藏廣勝寺本。

一 二七〇頁下五行「入解」，碩、普、南、徑、清作「八解」。

於一句中修學已 一切修習得成就
 一切諸法皆空性 若人於義明解了
 此句義中學所成 而諸佛法不難得
 於甚深法能信解 獲得一切勝福生
 諸有世間出世間 辦所作事至成佛
 寶授經云復次妙吉祥若菩薩經百
 千劫善修六波羅蜜多具善巧方便
 若有人於此正法勤求聽受者比前
 福蘊此復倍多何況以無所求心聽
 受書寫為他廣說金剛般若波羅密
 多經云佛言須菩提於汝意云何殑
 伽河中所有沙數彼一一沙為殑伽
 河是諸河中所有沙數寧為多不須
 菩提言諸殑伽河尚多無數何況其
 沙佛言須菩提我今實言告汝若善
 男子善女人於諸殑伽河中所有沙
 數如是沙等世界以七寶滿令所世
 界持用布施諸佛如來是善男子善
 女人以是緣故得福多不須菩提言
 甚多世尊甚多善逝佛言須菩提若
 有人於此正法乃至受持一四句偈
 為他說者其福勝彼梵王問經云仁
 者若善男子善女人於如來所樂修

福事者應當於此正法聽聞信解及
 受持等即能獲得色相富盛廣多眷
 屬於法自在人天之中受諸快樂舍
 利子說般若波羅蜜多經云舍利子
 白佛言世尊若復有人得聞說此般
 若波羅蜜多聞已信解者是人即於
 菩提得不退轉慈氏菩薩言世尊若
 有聞說此般若波羅蜜多聞已信解
 者是菩薩即得近佛果位妙吉祥菩
 薩言世尊若有聞說此般若波羅蜜
 多聞已信解者見是菩薩當如佛想
 一切罪染惡作而悉解除一切業障
 皆得清淨於甚深法能生勝解如來
 藏經云佛言迦葉最極十不善業者
 所謂一者假使有人緣覺為父而興
 殺害是為最極殺生之罪二者侵奪
 三寶財物是為最極不與取罪三者
 假使有人阿羅漢為母而生染著是
 為最極邪染之罪四者或有說言我
 是如來等是為最極妄語之罪五者
 於聖眾所而作離間是為最極兩舌
 之罪六者毀訾聖眾是為最極惡口
 之罪七者於正法欲雜飾為訛是為

最極綺語之罪八者於其正趣正道
 所有利養起侵奪心是為最極貪欲
 之罪九者稱讚五無間業是為最極
 瞋恚之罪十者起僻惡見是為最極
 邪見之罪迦葉此等是為十不善業
 皆極大罪迦葉若一有情有如是罪
 具行十不善業者如來即為宣說因
 緣和合之法使令解入亦時亦無我
 人有情壽者之想若能解了此法無
 作無為如幻之法離染清淨自性明
 亮解一切法本來清淨於一切法淨
 信勝解者我不說彼有情墮於惡趣
 何以故無諸煩惱聚性可得生已即
 時一切破散故知諸煩惱一聚因緣
 和合所生生已即滅若起心遣除而
 諸煩惱隨即有生若如是信解者彼
 復何有罪之分位無處容受故若言
 有諸罪障而可住者無有是處持律
 優波離尊者問降魔品云汝諸惡魔
 云何是苾芻真持律行魔言尊者若
 苾芻了知一切法畢竟調伏諸罪本
 來無前後際離邊際故若犯墮罪及
 餘惡作而悉解除勿生堅著以如是

大乘寶要義論卷九 第七

法為他開示彼之所有五無間罪尚
 悉蠲除况復少略破戒垢染解是法
 律者不為客塵煩惱所染生出離想
 知諸煩惱非內非外亦非中間非離
 染智能除煩惱離染之性亦不可遣
 智者如實觀諸煩惱猶如浮雲風飄
 流散隨所向何方通何任又諸煩惱
 如水中月編計影像對現其前又諸
 煩惱是黑暗境界慧燈光明而能照
 破又煩惱賊竊害色相如夜叉羅刹
 若深固作意如實觀察即無所任又
 諸煩惱常伺其便若不深固作意即
 煩惱增長於空無相無願智慧法中
 即不違害又於如是諸煩惱中智者
 以智於彼染著煩惱諸有情所對住
 其前起悲愍心為說無我無有情法
 令其離染此即是為真實持律阿闍
 世王經云佛言阿難我今實言告汝
 若有造五無間罪者得聞如是正法
 已能生勝解我不說彼人有業及業
 報阿難以要言之此所宣說甚深正
 法應生勝解廣大稱讚數於彼彼經
 中專勤聽受不離善巧方便菩薩應

大乘寶要義論卷九 第七

當如是勤行說甚深法是故慧及方
 便二法不離是為菩薩相應正法維
 摩詰經云無方便慧縛若菩薩於空無相
 何謂無方便慧縛若菩薩於空無相
 無願法中調伏其心不以相好莊嚴
 佛土成熟有情此即是為無方便慧
 縛何謂有方便慧解若菩薩能以相
 好莊嚴佛土成熟有情於空無相無
 願法中調伏其心習力勤行而不疲
 懈此即是為有方便慧解何謂無慧
 方便縛若菩薩於諸見煩惱生起隨
 逐有所住著然復發起一切善根迴
 向無上菩提此即是為無慧方便縛
 何謂有慧方便解若菩薩於諸見煩
 惱生起隨逐斷諸有著而發起一切
 善根迴向無上菩提悉無所取此即
 是為有慧方便解此等慧及方便二
 法和合當知皆是菩薩之行云何是
 菩薩行所謂非凡夫行非賢聖行是
 菩薩行在於生死不為染污在於涅
 槃不永寂滅是菩薩行雖求四諦智
 亦不非時取證涅槃是菩薩行雖觀
 內空而常思念於三有中示現受生

大乘寶要義論卷九 第八

是菩薩行雖觀無生而不入正位是
 菩薩行雖攝一切有情而不染著是
 菩薩行雖行於空而常勤求諸相功
 德是菩薩行雖行無作而勤修一切
 善行獲得輕安是菩薩行雖修止觀
 之行而不畢竟墮於寂滅是菩薩行
 雖轉法輪示現大般涅槃而不捨菩
 薩所行之行是菩薩行凡如是等皆
 是菩薩所行之行降魔經云復次所
 有諸菩薩摩訶薩最上正行謂即勝
 慧智增上相應若方便智即普攝一
 切善法之行勝慧智者即無我無人
 無有情無壽者無儒童等方便智者
 即成熟一切有情之行勝慧智者即
 徧攝諸法之行方便智者即正法攝
 受之行勝慧智者即一切佛法界無
 分別行方便智者即一切佛法尊重
 供養承事之行勝慧智者即一切佛
 刹如虛空行方便智者即一切佛刹
 功德莊嚴之具作清淨莊嚴之行勝
 慧智者即一切賢聖修無為行方便
 智者即於一切師尊所起尊重心施
 作種種作用之行勝慧智者即觀察

佛身無漏之行方便智者即修佛相好之行勝慧智者即觀察一切行無生無起之行方便智者即常思惟於三有中示現受生之行無盡意經云何等是為菩薩方便復何等是菩薩勝慧所謂若入定時起大悲所緣深固之心觀察有情此即方便若於定中任寂徧寂此即勝慧若入定時起大悲心隨順佛道此即方便若無所有依止觀察此即勝慧若入定時觀察普攝彼一切法此即方便若觀法界無所分別此即勝慧若入定時佛身莊嚴所作現前此即方便若觀察法身分位此即勝慧維摩詰經云佛言慈氏菩薩有二相一者信樂雜句文飾二者不畏甚深之法如實解入是為二相若菩薩信樂尊重雜句文飾者當知是為初學菩薩若復於此清淨甚深經典普攝種種文義差別之門聽受宣說生勝解者當知是菩薩久修梵行復有二法是即初學菩薩為自毀傷不於甚深法中調伏其心一者於昔未聞甚深經典聞已驚

怖生疑亦不隨順返生輕謗作如是言我昔未聞此法從何所來二者於大法器宣說甚深法者善男子所不樂親近亦不尊重或時於中密說其過是為二法復有二法菩薩雖信解甚深之法亦自毀傷不能速證無生法忍一者輕毀初學菩薩不為攝受不為波擇復不教誨二者雖信解甚深之法而不習學亦不尊重不行財施法施攝受有情是為二法此中應知若諸有情解入諸佛菩薩大威德力斯極難得何等是為菩薩大威德力維摩詰經云維摩詰言大迦葉所有十方世界現作魔王者皆是任不可思議解脫菩薩以善方便成熟有情故現魔相又十方世界或有菩薩從其求乞手足耳鼻血肉筋骨頭目身分妻子奴婢人民國邑象馬車乘凡如是等或來求者皆悉給施菩薩以如是相故行逼迫此等皆是住不可思議解脫菩薩迦葉譬如龍象蹴踏非驢所堪凡夫亦復如是不能如是逼迫菩薩而菩薩者乃能如是逼

迫菩薩

大乘寶要義論卷第九

大乘寶要義論卷第九

校勘記

- 一 底本，金藏廣勝寺本。
- 一 二七六頁中二一行第三字「永」，
[磧、普、南、徑、清]作「求」。
- 一 二七七頁上三行「即常」，[磧]作「即當」。



越城縣廣勝寺

大乘寶要義論卷第十

感

釋迦牟尼大舍身功德殊勝不可思議

如華嚴經云法界行願分位宣說菩薩無盡佛種世界世尊普徧智境界音聲如來從彼剎中來至世尊釋迦牟尼如來之前出現菩薩威德身相所謂一切身分一切相好一切毛孔一切莊嚴一切衣服及緣具等一切菩薩眷屬具足所有世尊大毗盧遮那如來前際中住過去一切如來後際中住若已受記及未受記未來一切如來現在十方一切佛刹普徧安住一切菩薩昔所修習布施波羅蜜多相應先行海一切受者及所施物皆悉影現一切身相一切毛孔諸相好等亦悉對現而為表示又復身諸分位及語言道一切衣飾眾緣具等而亦對現一一表示又昔修習持戒波羅蜜多相應先行海又諸忍辱波羅蜜多示現割截身諸分位相應先行海又諸菩薩加行精進相應先行海又諸如來廣大靜慮辦事相應先行海又諸如來轉大法輪法事成辦

人中尊捨諸所有自在身相諸門影現一一表示相應先行海又諸如來喜見諸菩薩道一切世間最上愛樂相應先行海又諸菩薩諸勝願海增上法門廣大莊嚴相應先行海又諸菩薩力波羅蜜多諸行成辦清淨相應先行海又諸菩薩廣大法界一切神變雲廣大所作諸菩薩智境界相應先行海乘如是等十波羅蜜多影現表示廣大法界一切廣大諸神變雲來詣佛所於是菩薩并其眷屬頂禮佛已住於上方化現一切金剛帝寶心莊嚴藏大樓閣中金剛帝青蓮華師子座上加趺而坐現諸寶餽摩尼王網彌覆其上復以三世一切如來音聲寶王纓珞垂掛莊嚴頂戴摩尼寶冠現菩薩身加持而住而此菩薩并其眷屬皆從普賢菩薩行願出生於一切如來足根門中表現清淨智眼所觀聞一切如來法輪經中理法音聲勝海普攝一切菩薩得諸自在及得最上波羅蜜多一切如來皆悉雲集於剎那剎那中廣現神變出現諸有

情身廣大境界一切如來衆會道場
身中光明顯照一切世界於一世界
中普攝影現諸境界相如微塵聚所
有一切有情善根成熟應化度者而
悉應時能來應現一切如來轉法輪
雲一切毛孔吼音境界一切世界普
徧一切善根出生生已即時諸有情
身皆悉平等一切方分雲海一心刹
那廣現神變此經又云菩薩大威德
力者今時善財童子諦觀普賢菩薩
身相乃見菩薩一身諸分位一一身
諸分位分明一一界體一一界體細
分分明一一身分各別分位一一身
分各別分位分明一一依聚一一依
聚分明一一毛孔一一毛孔分明現
此三千大千世界所有風火地界并
大海洲渚江河寶山及須彌山鐵圍
山等國土城邑聚落方處樹林舍宅
并諸人民地獄餓鬼畜生之趣阿修
羅界龍界迦樓羅界人界天界及其
梵界欲界色界無色界是諸境界悉
以神力加持而住乃至形色顯色雲
電星宿晝夜圓半月時年分住劫壞

劫現如是等此世界相已所有東方
一切世界亦如是觀南西北方四維
上下一切世界如應對現所觀亦然
又諸佛降生衆會道場及有情等所
有此娑婆世界前際中住過去一切
世界一切互相皆見普賢菩薩一一
身中大人之相并諸佛降生一切菩
薩衆會道場及有情舍宅晝夜劫數
等如是後際中住未來一切世界佛
刹等普徧一切亦然皆見如此娑婆
世界前際後際中住一切世界一切
互相見諸影相如是十方前際後際
中住一切世界一切皆見普賢菩薩
一一身中大人之相一一毛孔中一
一分明互相無雜皆見普賢菩薩在
世尊大毗盧遮那如來之前坐於大
寶蓮華藏師子座上現遊戲神通時
此東方蓮華吉祥世界賢吉祥如來
見此所現遊戲神通東方如是普徧
十方一切世界亦然皆見一切如來
足根門中各有普賢菩薩坐於大寶
蓮華藏師子座上現是遊戲神通如
其十方一切世界悉見一切如來足

根門中有普賢菩薩坐於大寶蓮華
藏師子座上現是遊戲神通時如是
普徧十方一切佛刹如微塵數一一
微塵數皆是廣大法界佛會道場悉
見一切如來足根門中有普賢菩薩
坐於大寶蓮華藏師子座上現是游
戲神通時一一身相悉得三世一切
所緣影相表示所有一切刹土一切
有情諸佛降生諸菩薩衆會道場影
現表示時普聞一切有情語言一切
佛音聲一切如來轉大法輪一切宣
說教授神通變化一切菩薩集會諸
佛遊戲境相音聲此等總略如其所
說當知皆是菩薩摩訶薩大威德力
此中應問何等是如來大威德力如
菩薩十地經云解脫月菩薩問金剛
藏菩薩言佛子諸菩薩行境界如是
加持神力尚復無量云何能入如來
行境界邪金剛藏菩薩言佛子譬如
有人於四大洲世界之中取小石塊
若二若三如豆之量作如是言大地
世界頗有過於此邪或無量邪說是
語者如汝今時以諸如來應供正等

正覺無量智法與菩薩法而相等此
佛子四大洲世界如所取者巨量石
塊而極少分餘無有量如來境界亦
復如是且法雲地菩薩所有功德經
無量劫猶尚不能說一少分何況如
來無量智境佛子我今實言告汝於
如來前爲我作證假使十方無邊世
界如微塵等一切佛刹證菩薩地者
其數充滿如稻麻竹葦甘蔗叢林彼
等菩薩經無邊劫宣說開示如來所
有一智境界百分不及一乃至俱胝
那由佗百千及譬喻分亦不及一入
如來功德智不思議境界經云佛言
妙吉祥今此會中或有有情謂佛如
來初始出家或謂久已出家或謂修
諸苦行或坐菩提場成等正覺或破
諸魔軍或梵王帝釋護世勸請轉大
法輪或聞宣說聲聞乘法或說緣覺
乘法或說大乘之法或觀佛身高一
尋量或見佛身高一俱盧舍或見佛
身高顯過諸由旬百十數量或見佛
身如真金色乃至或見如摩尼寶色
或見如來寂靜身相或見如來入涅

槃相或見如來一聚身相或見分布
如來舍利或謂十年成等正覺或謂
十年入大涅槃或謂有於世尊釋迦
牟尼如來教中得圓滿者或隱沒者
或謂若十二三三十四十乃至百千
俱胝那由佗劫入大涅槃或謂世尊
釋迦牟尼如來於不可說不可說劫
成等正覺妙吉祥於如是等差別之
相如來悉非分別非離分別而佛如
來以無發悟無分別法常隨有精心
作諸行相菩薩十住經云佛言妙吉
祥有多種說者如有大池縱廣正等
五十萬由旬池岸平坦池水清甘復
有蓮華徧覆池內若或有人以鐵所
成千輻輪車而以駿馬勝迦樓羅迅
疾勢者而駕馭之其車行得不著池
水馬跡亦復不踐蓮華妙吉祥如來
亦復如是乘於大車游彼大池中有
毒蛇鼓水騰踊若剎那間而彼毒蛇
隨車後轉其車即時七返右旋若復
毒蛇隨彼大車一返右旋其車即時
右旋無數如阿難等諸大苾芻說法
亦然有時阿難說十種法表示其義

若復阿難說一種法即時舍利子說
千種法表示其義若復舍利子說一
種法即時大目乾連過八萬世界若
復大目乾連過一世界即時如來於
十方法界最上自在越虛空際普徧
一切世界海一一世界一一州渚一
一凡夫道中示現從兜率天宮沒下
降人間入胎住胎出胎梵王帝釋承
接沐浴莊嚴周行七步觀察十方作
師子吼習學一切工巧伎藝明論事
業現處太子之位於王宮中嬉戲娛
樂游賞園林出家苦行食乳糜粥已
誦菩提場坐成正覺摧伏魔軍觀樹
經行大梵天王請轉法輪入忉利天
宮等國土分量劫名次第威德身相
壽量多少衆會莊嚴佛刹清淨教法
莊嚴發菩提心修諸行願成波羅密
多圓滿諸地神通智忍具摠持三摩
地諸解脫門如來無量諸供養事無
量如來及菩薩法境界無量法雲廣
大所行分量成熟有情方便分位差
別之量起大游戲神通變化示現一
乘大般涅槃分布舍利分別教法住

時久近及法滅時皆從如是大法池中之所出現又復於諸外道所修行處及一切有情所應作事如來以無發悟無分別心同時悉現於後邊際究竟分位勤勇示現凡如是等剎那俱時十方一切一自身毛孔之中所有徧諸方分三世一切如來及諸菩薩衆會之海廣大一切佛剎功德莊嚴諸有情聚舍宅官室廣大莊嚴諸有情聚眼耳鼻舌身意處廣大施設諸菩薩行皆悉積集廣大莊嚴一切如來境界廣大莊嚴如是等相如來俱時以無發悟無分別心普徧示現於後邊際究竟勤勇剎那俱時普攝一切十方世界乃至凡夫道中有盡無盡無復遺餘諸有情界一切有情一一有情各各身相形色顯色音聲語言譬喻說法凡如是等分量差別如來俱時以無發悟無分別心普徧示現隨諸有情別別心意於後邊際究竟勤勇隨應表示隨所施作妙吉祥譬如白月十五中夜之時徧闍浮提一切男子女人童男童女各各

現前觀月輪相而彼月輪悉無分別如來亦復如是以無發悟無分別心作諸行相由成就不共佛法故隨有情心意隨應化度一切有情各各現前普觀如來而如來心亦無分別是故當知若有分別若無分別諸佛如來悉無發悟而成就不共佛法故隨應施作一切行相此中應知諸廣大甚深經中而獨顯說諸佛菩薩大威德力若有人能深生信解書寫讀誦尊重供養者是人獲福廣大無量此經又云佛言妙吉祥譬如須彌山王勝出眾山顯照殊妙亦高亦廣而復最大妙吉祥若菩薩信解此正法者亦復如是勝出一切菩薩摩訶薩以十方一切世界如微塵等諸菩薩衆若於此正法生信解者所有五波羅蜜多出出生善根於阿僧祇劫中而能積集顯照殊妙亦高亦廣而復最大妙吉祥若善男子善女人所有十方一切世界一切有情而悉勸令發菩提心復有善男子善女人信樂無餘依涅槃者此所獲福比倍於前不可

數量妙吉祥正使善男子善女人普令一切有情信樂無餘依涅槃若復善男子善女人於此正法能生信樂若自書寫若令他人書寫若自讀誦若令他人讀誦乃至但能信樂受持以香華燈塗等諸供具而供養之此所獲福比倍於前不可稱數

大乘寶要義論卷第十

大乘寶要義論卷第十

校勘記

- 一 底本，金藏廣勝寺本。
- 一 二七九頁上一八行「舍宅」，經作「宅舍」。
- 一 二八〇頁上一二行「百千及」，續、南、經、清作「百千分不及一」。